


曹能始先生選閱

明

詩

選



石倉十二代詩選

四集卷之一

明山存稿

大明

慈谿姚 涑著  
後學曹學佺閱

秋夜偶成

新涼沁苧衣楚客悲遲暮林葉墮寒颼臯禽警  
清露銀河沒半空秋影在高樹何處洞簫聲吹  
徧江南路

苦雨歎

豐隆掩山阜朱明失輝光淫潦苦淡旬西陸無

歷代詩選 卷之二  
迅商重陰沍不開  
溜聲淒且長  
平疇注溪壑  
淺瀕通舟航  
水衣生庭除  
萬戶無完墻  
墮我井與竈  
漂我稻與梁  
廟堂不知雨中夜  
起彷徨  
父老爲余言  
此青亦異常  
太史宜特書  
干以達崑廊

洞仙訪道圖

春山曲曲雲重重  
蒼虬萬仞懸孤松下  
有華芝共瑤草  
往來採藥多  
仙蹤問渠此景在何許  
中有神人若處女  
青霞爲佩雲爲裳  
高卧不餐亦不語  
紛紛塵夢徒爾勞  
脫却凡籠向仙渚  
洗我

平生冰雪心  
入山長結煙霞侶  
君不見汝湖灣  
相去東瀛只尺間  
但使神交廣  
成子何地不是蓬萊山

送魏文瑞宰安成

南風五兩吹江水  
黃金臺下朱雲起  
長歌倚劍斗酒傾風雲  
慷慨幾千里  
銅章遙度西江滑  
蘭舟曉泊芙蓉陂  
山城鼓吹舞童稚  
使君控馬行遲遲  
鳴琴對鶴復揮塵  
湖山疊秀花陰午  
疎雨入簾月在樓  
美人渺渺憶秋浦

歷代詩選 田叔系東  
登報國寺毘盧閣

憑虛渺無際浩蕩空人心宮闕凝雲氣郊原布  
柳陰遠峰疑對立危堞欲平臨彌望真佳麗三  
都亦浪吟

西湖張氏藕庄雨中宴集謝同年徐周張

焦四先生

雲鬟洗春雨雪舫渡滄洲新草半迷徑殘梅多  
近樓風吹煙斷續竹動水沈浮膏澤均沾潤天  
涯豈滯留

孫太初詩卷次韻

幽齋醉嘉客心賞更誰同白鶴雲中沒金尊月  
下空山林風自別魏晉語偏工詩卷留天壤鴻  
冥憶此翁

山居卽事

野逕人踪遠蓬居樂事生雲留花塢潤風與竹  
林清黃鳥三春客青山四面城陶然恣吟弄聲  
利兩忘情

三月二日奉命先發赴金山候駕

早發東山口蒼茫景色分  
桃花紅欲雨柏葉翠  
疑雲赤羽千層錦  
文犀十萬軍巡遊  
勞玉輦何以效忠勤

惠山宴集

山麓依城市溪流引舳艫  
清泉來石竇佳客坐  
山隅酒吸林間綠  
歌分江上斂三賢  
共祠宇勲業竟何如

南旺湖陂野酌

野泊尋幽勝開尊綠水隈  
輕陰移短棹翠色落

深盃十里湖光淨  
重厓樹影開歸途  
兼樂事塵鞅莫相催

坐翠花崑洞

上方幽勝地礪戶號臨光  
招隱披雲幕懷仙憩  
石床華胥真有國  
虛白若爲堂昏黑  
迷歸路春風入夢長

又

深徑曲還曲幽崑空復空  
厓廬白鹿洞桐柏金  
庭宮日月光斜透  
煙霞氣半籠冥搜  
兼遠寄步

屨逐仙風

遊華嚴寺

華嚴分上下相對構雲菴  
苔徑煙嵐隔金堂紫翠涵  
鶯花渾欲醉泉石未爲貪  
寂與喧相競禪門試一參

遊戚畹邵氏莊

雨漲東西渚香風掠水尋  
中流見孤嶼臨岍隱疎林  
棹鼓萍分路簾開柳遮陰  
市塵應不到杯酒滌煩襟

留景堂

高堂寄幽賞名冠武林墟  
草色侵衣淨泉聲入耳虛  
行吟紅藥逕醉卧碧雲廬  
觸目饒風景煩襟盡掃除

清道觀漫興

仙宮小築玉宇清雲松坐息萬壑聲  
薜荔半壁露欲滴篔簹滿庭風漸生  
玄壇種藥分瑤草曲澗流泉注玉鬕  
羽客渾忘塵世事碧桃花下夜吹笙

遊永明剛上人禪房次迂齋王公韻

寺外青山山外溪  
霏微煙雨望中迷  
幽篁覆戶  
筍堪折茂樹坐人花  
可携春老風情成曠達  
雲深踪跡費攀躋  
一尊飲罷鐘聲動  
醉墨驚看石上題

送友人知惠州

看君五馬下龍川  
清比冰壺直比絃  
石白金沙炎海路  
碧雲銀露越溪船  
百篇彭澤詩堪詠  
千古奇章事尚傳  
春送梅花村外雨  
萬家煙火蔽

桑田

拜岳王墓

十二金牌國事休  
忠臣那解為身謀  
甘心夷虜悲青史  
唾手燕雲甲古丘  
草木尚知忘國恨  
湖山空帶夕陽愁  
春風蘋藻年年綠  
畱與騷人薦岳侯

送涇野呂先生赴解州

關西十載已遐名  
忽聽滄浪起濯纓  
總為浮雲遮白日  
竟無甘雨慰蒼生  
重華瑤圃空勞夢  
鄒



衍霜天最繫情。驅馬河陰倍惆悵。深慚竊祿在  
西清。

送陳汝宗守東昌

東藩形勝控神京。古博南來第一城。萬里漕船  
秋後集。兩厓燈市夜深明。嶺岷岱嶽晴霞起。寂  
寞巢陵宿草生。此日正逢新刺史。驪駒何事獨  
關情。

登虎丘偶成

春風吹徧闔閭城。兩過高臺報午晴。紫暈煙林

遙掩映。青蕪野潦半縱橫。山藏劔氣星初落。雲  
帶龍腫水更清。指點三吳形勝地。目窮千里到  
東瀛。

焦山寺

萬里洎洎不斷流。中蟠島嶼鎮陽侯。亭臺倒浸  
魚鱗屋。煙月斜籠蜃氣樓。境對金鼇真福地。僧  
歸畫舫即丹丘。幽人一去空千載。桂樹叢生我  
欲留。

登京口江樓和韻

山連海氣午方開。舟泊林臯綠滿臺。歷下詩豪  
歌欲放。江東勝地客初來。高樓罨畫晴兼雨。古  
渡風檣去復回。吸盡滄溟忘酒味。莫辭今日不  
勝杯。

題殿讀張先生水南精舍

江左鴻儒老石渠。草堂收得鄂侯餘。臯比獨坐  
三更雨。雞蹠能窮萬卷書。筆力倒迴巫峽水。奎  
光遙映斗牛墟。梁溪一棹登君榻。種績真慚我  
不如。

己丑歲中秋對月有懷

坐向中庭滴小漕。無端霽色上吟袍。長空淡淡  
碧雲靜。良夜淒淒秋氣高。萬里銀橋疑咫尺。一  
輪冰鏡見秋毫。乾坤是處清光滿。惆悵佳期空  
自勞。

京口春望

簇簇花開艷艷枝。芳魂韶景兩相迷。平林亂點  
臙脂雨。幽澗輕淤翡翠泥。素頰暈消移錦障。明  
璫聲細度香蹊。冶遊歸去紅塵暗。賸有春風兩

袖携

再次招隱韻

昔人采玉入山深。古殿雲生帶午陰。緗帙有時藏石室。清風長爲掃松林。六朝往事空春夢。三昧高僧自梵吟。試問山靈誰管領。鳴琴策杖古猶今。

宴湯右卿山莊

九里灣頭宿雨收。春光隨我上青丘。一林脩竹徑偏曲。半畝疎梅亭最幽。溪外棹歌驚客夢。風

前鳥語助人遊。陰晴朝夕俱宜賞。綠野遺踪重久留。

登北固漫興

幽厓幽磴枕江臯。爽氣清輝淨錦袍。萬戶生煙浮紫岫。長風帶雨散銀濤。鯨吞九澤渾如渴。鼎峙三峰欲並豪。老我暫爲江海客。鶴栖珠樹月輪高。

奉和李老先生九日登高飲邵氏園亭

禁城東望數名園。仙島同遊酌上尊。霜後丹楓

還葉葉秋深黃菊自村枯嘯歌泉石風吹帽偃  
卧蓬壺月滿軒休沐從容多暇日共將清賞醉  
君恩

送文衡山出灣馬上口占

空憐咄咄更悠悠朝市年來勢未休此去潛夫  
應有論移文不到水西頭

其二

參差宮樹望中斜千里籃輿共鹿車却載妻孥  
五湖曲春風芳杜徧晴沙

題畫

棘林無奈朔風吹危石孤根共護持閱盡歲華  
甘寂寞尚餘雙雀鬧寒枝

石泉洞

桃源舊在武陵山白石清泉杳靄間今日洞中  
無箇事雲扉月檻弄潺湲

屠大山

字國望甬東人  
歷官至侍郎

雜述

古路有蒺藜行者戒經過新路富莼李過者肩

相摩。奕李不可攀。蒺藜不可羅。古路日已微。新  
路日已多。江河東悠悠。歎息將如何。

其二

昔我遊荆楚。思見接輿子。人言崔嵬曲。前賢所  
棲止。丹霞何逶迤。白石粲清泚。仲尼避勿見。况  
乃當世士。高風邈玄宗。鳳歌暢幽旨。羅網不可  
施。寵辱安從起。迢遙播清芬。瞻仰極千祀。柰何  
三閭賢。跼踏悲蘭芷。妙躅迷所歸。甘之汨羅水。

其三

挾瑟不自珍。齊王亦何辜。天衢恣寥廓。弱羽良  
難圖。寒裳營世務。濡迹迷其初。竭來返其廬。冉  
冉歲云徂。白雲結心曲。黃綺安足模。

其四

鴻雁違霜雪。南嚮厲羽翼。徒欣山澤溫。馬悟虞  
邏迫。稍梁伏禍機。避就竟何益。飢寒詎終危。溫  
飽反罹厄。崑山有玄鳳。不嗜人間食。千載曠形

聲。弋者何所憶。

其五

宋元詩選

月清月色

四集卷一

十一

六

昔遇殮霞人。太嶽黃金宮。躡履被短髮。性度何  
冲融。珍果授我食。郁烈五内充。裂素寫微言。字  
字光如虹。玄關啓幽鑰。真源了堪窮。惜哉肅時  
命。旋軫辭煙峰。身世隔雲泥。一別難再逢。

其六

夙齡尚遐異。中歲遂襟臆。南北遵王程。歷覽恣  
巾舄。泰山列奇觀。武夷散玄跡。光景遞明滅。高  
深互廻易。探討杳莫窮。圖狀難可悉。崑壑美各  
殊。賞翫意俱適。斲苓披虎穴。題詩掃芝石。煙霞  
安得乘天風。復縱雲中翼。

其七

鷹鷂凌雲漢。六翮一何勁。營營圖所食。時與鳥  
雀競。取物良已弘。志願曷云竟。日月交相馳。毛  
羽有盛衰。慎爾搏攫才。勿為黃雀哀。

其八

蓐收歛金素。玄冥司玉衡。運徂有成軌。雲幻無  
恒形。飛鴻號野外。寒雀叢悲聲。徹土思牖戶。履

霜戒堅冰。切但思慮積。緬邈憂悃盈。惜無旬宣子。申此芻蕘情。徒倚空館夕。命酌呼友生。

其九

明州負海曲。里閭何蕭條。招討起邊釁。原野羅旌旄。事緒若棼絲。徭役如蝟毛。室家既懸磬。孰敢辭疲勞。毫髮有弗給。膚骨充鞭敲。妻子違復顧。踟躕焉所逃。伊余本蕭散。及此逢驛騷。夜聆雞犬聲。喟焉達晨朝。

偶然吟

晨起飯藜藿。充然五內足。青陽照高林。鳧鷖滿溪浴。路逢龐眉翁。扶犁下黃犢。吾亦牽吾裳。登高眺川陸。

其二

櫛沐啓衡門。中心甚悅懌。不知所悅何。春明蕩林澤。綠苔布青原。脫幘枕溪石。野鹿引其麇。鳴鳥振羽翮。樂意無相關。幽性兩自適。

其三

富貴不如願。退身非養高。凍餒苟不憂。輕肥安

足饗。弋釣非所喜，耕鑿誰能勞。時時縱遠目，悵然步江皋。倦來返林廬，尊酒聊自陶。

其四

少小慕神仙，褰裳涉其流。常登太嶽峰，慨念遂所求。俗駕有馳騫，靈境難淹留。榻來鄞江側，吐納歲屢周。明塵有彷彿，暗室無愆尤。寸心苟自固，冀克終前脩。

秋日雜詩

晷運迅推斥，白露塗前庭。木葉半銷落，感歎何

時平。年往莫可追，白髮皓已盈。事業耿夙念，中道輒輪傾。紫蘭秀幽溪，風雨常晦冥。採掇忍朝飢，馨香竟何成。蟋蟀爾何知，唧唧來悲鳴。秋日慘清輝，志士多苦情。草莽安可居，咄嗟復奚營。

其二

秋氣日已肅，索居寡所歡。出門命儔侶，阻隰仰盤桓。山川屏氛濁，清曠娛遠觀。釣竿何嫋嫋，白雲冒青巒。人生亦何爲，適意古所難。徘徊桑梓墟，相與謝彈冠。晨夕靡羈鞅，此樂矢勿諼。



其三

連歲海揚波，今秋息烽燧。畝餘稻粱農，夫亦  
憔悴借問胡。乃爾共言苦，徭稅額外當。征需丁  
壯死無罪，晨夕冒霜露。奔馳靡賤貴，閭巷何蕭  
條。雞犬且顛沛，四序互推遷。數口寡所慰，日月  
乃高懸。霾霧默茫昧，風威徒怒號。安取驚聾聵，  
秋深室如罄。何以能卒歲。

其四

庭中有綠竹，脩然厲清響。雖非絲管音，天籟謝

人獎。喧濁旣已祛，涼陰始云長。衣食寡所嗜，蝸  
居自潛養。橫琴奏古調，華月復東上。世界入瑤  
空，瞻翫足幽賞。安問烏與兔，追逐迅飛鞅。

其五

青樓有佳人，凝粧對秋色。端居何所爲，纖指調  
清瑟。侍女歸我妍，歡娛良未極。斜日照綺疏，風  
颺正慘慄。烏鵲號北林，鴻雁逝遠適。紅蕖脫其  
衣，流光忽如擲。朱顏理無常，層冰勢應積。禦寒  
貴重裘，狐白預宜制。母以灼爍姿，取類荆與棘。

其六

羈鶴媚幽園感此宵露零素無雲霄望安用揚  
脩翎乘軒豈不貴憂患虞相仍秋風撼庭柯戛  
然恣長鳴飛鳶嚇腐鼠泯沒緘其聲荏苒歲云  
積終以藏微形嗟哉此珍禽可用喻吾情

其七

玄雲結重陰金飈無時息秋氣方慘淒榮柯日  
蕭滅聲華與富貴遽蔭匪金石達士識其真棄  
此如遺迹寢處煙霞中往來江海側遙遙黃鵠

舉永永謝彈射寄言當塗子可用爲儀則

其八

蒲柳質芴衰樗櫟乏世用以茲煉金膏息心謝  
梁棟秋風吹山薇丹霞冒崑洞愛茲化日舒陋  
彼窮途慟赤松乘紫鸞洪厓跨青鳳招邀汗漫  
遊參差奏奇弄翫睨日月凋詎受寒暑送斥鷃  
笑南徙河伯誇秋澤遠近本易知巨細亦殊動  
蚩蚩域中拘安識雲霄縱

壬戌辰州遇孟衛原兵憲

子在錦官城我寓雲夢澤相去萬里餘會晤何  
由得二月桃花瑪瑙紅翩翩鳴雁辭春風離情  
別思攪夢寐心勞目斷愁煙空轅門侵晨開鼓  
角當關忽報來佳客顏色于前稍似蒼風襟一  
見還如昨誤疑瓊樹倚高天清光掩映芳樽前  
顧我白髮遽如許知爾青眼能相憐我欲東還  
子西去我懷千憂子百慮把臂仍畱頃刻歡舍  
情不得多延佇憶昨崎嶇入此城風塵慘淡勞  
吾形豈期邂逅慰離索一笑睥睨雲山明

塞虜

塞虜夏縱橫妖氛暗百城天驕誰破膽漢將有  
連營灑汗披堅甲瞻塵控玉纓洗天須一雨絕  
漠見沙清

其二

聞道黃河套胡來望不窮驚塵昏陝右邏騎薄  
遼東五月金符動三軍鐵馬雄一行清異域千  
古振英風

早春漫興

辭臘梅全放迎春柳半榮  
雲寒猶度雁花暖欲  
畱鶯煙動崑前碧波縈  
沙際清幽尋無不可聊  
復得吾生

其二

欲試春遊屐稀逢媚眼花  
泮水穿稗藻踈木集  
雛鴉露葉抽仍短風絲捲乍斜  
幸餘筋力在何  
憚歷煙霞

九日邀郡侯周迪齋郊遊

共愛西郊僻來尋古刹  
幽雨霑桐子落露泫菊

花浮高蓋沿溪轉清尊盡日畱  
吏情滄海上靜  
者每爲儔

少司空全汝禮南莊

高人棲息處松檜自清幽  
客至能無鼈筵開欲  
近鷗麈颺分曉食芋栗飽清秋  
不是初歸隱相  
將任白頭

其二

別業青霞境幽林黃綺家  
沙明新集雁籬艷晚  
開花朋舊來無厭琴樽靜不譁  
星河殊覺近且

莫泛靈槎

秋夜飲少司馬范堯卿宅

病來常戒酒興至復銜盃愁向青天失歡從碧  
 月開流螢凌草亂幽鳥擇枝回徙席方爲樂山  
 翁醉已頹  
 歲晏客來少風迴日乍昏面牆時抱膝倚樹看  
 鋤園地僻坐幽處門閒絕市喧開春應有事花  
 木費攀緣

和張司馬春興

庭蕪隨意老逕草與愁生形役陶元亮窮途阮  
 步兵春深朝雨細江濶暮雲平自得無絃趣寧  
 辭縱酒名  
 憶昔荆吳役驅馳虎豹關今來湖海卧夢寐水  
 雲閒洗耳坐清澗尋真入遠山神仙排霧出罔  
 象得珠還

投老謝塵鞅居閒悵逝波涼風遽以厲幽抱欲  
如何且伴籬間鷦從張戶外羅牛羊識歸逕車  
馬絕經過

其二

秋來愁澍雨夜起遲晨暉風迅兼葭上雲深島  
嶼微江濤翻貝闕草露濕荷衣獨有殮霞癖高  
眠晝掩扉

其三

野人無所好世態本難工刷羽辭雲雁含芳結

桂叢江潭低落日秋樹入殘虹霜降無多日悠  
悠詠北風

其四

春事坐銷歇秋光不受闌寸心還自斂尊酒向  
誰歡搗練風初急寒幃月乍寒深閨有思婦望  
遠劇愁歎

其五

客有青門隱書傳紫鳳遲風煙埋晦迹江海洽  
幽期沉瀝誰能吸雲陰不可吹依依竹林伴相

與樂龐眉

其六

崑棲非豹隱禽戲習熊經衣露迎時白江雲對  
眼青薜荔迷山鬼神仙謫歲星夢醒無與晤落  
葉滿閒庭風吹忘筆執尺半寒窓閉前思  
亦幸武林別友人不受關中心豈自始曾西向  
南望金陵愁不開幾年憲一愧非才只今刀筆  
何爲者借問英雄安在哉一日商歌還自慰清  
時長欽未須哀隆中雲霧終難卧好爲蒼生謝

碧苔

遊武夷山

暮春來泛武夷船九曲芙蓉抱紫煙亂插霞標  
合法界斜開石竇瀉靈泉溪邊花暖香來細谷  
口鶯啼路轉偏已幸孤遊酬夢想還貪歷覽恣  
攀緣

寄國文弟

多病居官白髮侵秋來藥裏最關心書因教子  
時還讀酒不逢賓漫自斟老至聞雞羞舞劍興

歷代詩選 明屠國章  
餘流水罷彈琴亦知樗散都無用暇日聊爲扣  
角吟

渡江晴望

野日晴波渡水遲棹歌宛轉出江濱津梁不向  
長沮問醒醉惟應漁父知兩岍居人時偃曝長  
汀行舸乍差池誰言冬暖爰鴈避惡見風寒鳥  
雀悲

歲暮

數日餘寒歲又新江山常許著閒人但令濁酒

能娛客不用輕裘穩稱身草閣晝眠生物色霜  
郊徐步斷風塵却嫌車馬曾多事里巷猶知讓  
逐臣

送大司馬胡梅林董師海上

北風吹雁數聲過東泛滄溟意若何明月樓船  
揚鼓角晴波虎帳肅兵戈卧龍羽扇元臨敵征  
虜賓筵自雅歌盡取鯨鯢應計日行看鐘鼎勒  
功多

和大司馬張維靜村居寫懷



荷鋤平野笑携經  
 漱石焚香醉復醒  
 種竹晚添三徑翠  
 灌園秋起數畦青  
 泠泠溪水環茅屋  
 片片江雲護石屏  
 兒子不知人老去  
 還將詩禮學趨庭

駿兒卒業南雍別後遣懷

遠水扁舟渺渺行  
 獨携書劒向畱京  
 老無筋力堪同汝  
 別有憂愁長繫情  
 地近鍾山瞻王氣  
 春多芳樹聽流鶯  
 幾年老語應能憶  
 不用看雲數寄聲

其二

泊舟何處夜沈沈  
 爾去前途苦繫心  
 少小何能為遠客  
 睽違况復值春陰  
 相思隔日真如歲  
 惜別前時不似今  
 自是老懷偏念子  
 錯嗔風雨易霑襟

秋日雜懷

寒郊斜日倚衡門  
 夕照平蕪落雁喧  
 野屋參差分海樹  
 川原繚繞見江村  
 煙霞澹起千林色  
 場圃寒開十月樽  
 矚目無端生感歎  
 懷人不見欲

歷代詩選  
明唐國朝  
黃昏

其二

滄江東轉盡環山  
日日臨流取醉還  
老去親知何物是  
秋來雲水幾人閒  
清霜暗覺蒹葭上  
白眼虛留天地間  
倚杖未須悲木落  
翠微無恙尚堪攀

其三

由來家住白蘋洲  
醉月餐霞幾度秋  
魚藻長披垂釣石  
芙蓉深隔望京樓  
飄飄落葉餘青眼  
宋

莫凝霜有敝裘  
却笑愚公愚更甚  
江山瘦盡不知愁

其四

歌罷滄浪到十洲  
釣絲飄盡海雲秋  
九天露浥三珠樹  
萬里風清五鳳樓  
老爲得閒忘歲月  
貧因買醉典衣裳  
青蓑舞罷狂無度  
不信蒹葭解越愁

其五

清秋日日轉光輝  
江閣何妨靜掩扉  
蘭蕙有芳

初遶帳芰荷無恙尚勝衣雲連朔雁聲還慘雨  
挾長虹勢不微醉夢乍醒驚歲晚年來多病見  
人稀

簡沈嘉則

爲問秋郊別日多相思其奈故人何九霄鳴雁  
愁堪聽廿里飛軒夢屢過曉起臨風晞短髮閒  
來抱膝謾高歌亦知雲卧中林晚應向長川歎  
逝波

聞雁

北來鴻雁不須哀已是幽人爾莫猜澤國稻梁  
秋正熟江天風霧晝常開雲中刷羽衝寒去野  
外驚鳴列陣迴袖裏素書今已滅無勞歸日寄  
金臺

歷代詩選  
明倫彙編  
詩部  
卷之二

石倉十二代詩選

四集卷之二

存齋集

大明

華亭徐階著  
後學曹學佺闕

懷友

亭亭孤飛雲來自東海隅指雲問其下無乃吳  
王都我友各散處握瑾懷明珠道遠不可見慘  
慘百慮俱白日忽西墮迴光照通衢願言整六  
翮乘時展良圖

懷母

歷代詩選

月余少胡

四集卷二

王

辭家遠行邁園林變青蒼  
洪水西北流鴻雁東南翔  
月出見斗牛客子懷故鄉  
故鄉不可卽獨立重徬徨  
常恐衣帶緩高堂倚惆悵  
願言加殮食相思裂中腸  
相思夫如何南山可耕桑

懷南州兄子謨子明弟

泛舟清源渚長望萬里途  
四鳥各異栖哀哀中夜呼  
一鳥毛羽衰下有黃口雛  
二鳥翼未齊俛身愧鵬圖  
長風振林薄無乃寒侵膚  
眷眷懷故巢使我心煩紆  
安得爲此翼飛鳴與之俱

千金賜

漂母昔進食慷慨不願酬  
淮陰千里賜高誼激頽流  
悲哉一失職怏怏生異謀  
望報苦太深骸骨委道周  
隆準多忌猜國士諒所仇  
一飯有厚直高勲旣荒丘  
感彼君臣間掩卷悵悠悠

示張生巨川

蟋蟀鳴前除白露沾我衣  
東園桃李花冉冉委芳姿  
日月各異行會合諒有時  
功虧在一篲九仞安爾爲  
中夜耿不寐玄覽紆遐思  
渴飲白石

乳飢殮青雲芝至寶不自愛棄置通路衢悠悠  
荆山泣千載有餘悲

感興

烈風振黃塵長夜何颼颼浮雲東南來各有雨  
雪誅美人金玉姿粲粲倚高樓寶玦雙明珠欲  
致道阻脩嚴霜瘁百艸荏苒歲已邁寒暑互代  
謝日月無停輶至理諒斯存耿耿生百憂冥冥  
雙飛鴻可望不可求

懷室人

有美孤生蘭馨香襲華滋采之携以歸佩以長  
相思南風吹客心別去忽若遺煙塵暗岐路欲  
見未有時喟然傷肺腑淚下交兩頤皇皇原隰  
花亦足適意爲涼飈易摧謝久要諒非宜努力  
事高堂皓首以爲期

送木齋閣老致仕

旌蓋催晨發煙霞入望新寵恩黃閣重心事碧  
山親司馬真辭位畱侯早乞身繫維虛夢寐瞻  
望縹參辰矢節堅終始神功付隱綸柳足龍泉

雨花明羅壁春笑歌淹日月步履出風塵勲業  
清明範文章奕世珍高標振遐軌懷企獨傷神  
送李南原邦伯二首

明月度河渚流光滿林間念此理朱絲境遠意  
自閒上絃彈別鶴下絃奏高山山高不可卽鶴  
飛無雙還曲終更悽惻喟然凋芳顏  
璞玉藉雕琢金賴鎔鑄居然失良工寧免廢  
棄懼秋江浩無梁深山晝多霧欲從不可得徘徊  
自朝暮

又贈

高樓有佳人欲嫁嗟後時豈不惜顏色正恐芳  
華衰傳聞西苑中鳳飛求其雌願持一寸心侑  
以酒盈卮再拜煩使君爲我徃致之好逑故難  
逢莫負千里私

何郡伯徒步禱雨十步輒拜聞諸父老不  
見此舉久矣賦詩志之

朱夏苦亢旱秋來仍未休亦知財賦地深繫老  
成憂奔走渾忘倦饗殮不自謀戴星頻下拜辨

物迥添愁政豈焚巫似心應救渴侔此生有賢  
守孤病亦何求

畫竹爲鄭劔溪都諫題

黃門種竹仍畫竹榻上庭中兩叢玉左披右攬  
意不盡徃徃開尊繼移燭我來歎息拜爲黃門  
言畫竹可畱庭可斲畫中之竹夾兩石箇箇直  
立如木就繩矢就束山深石古節亦勁瘴雨頽  
風避不觸庭中之竹乃橫出一半欹斜半低曲  
娟娟但作兒女態狎侮煙雲媚晴旭請君亟斲

去母使畫竹辱吁嗟乎畫中之竹材美用不得  
庭中之竹材不足安得天公生竹如此畫上可  
以應伶倫之求下可爲鳳宿鳳也無棲倫無遇  
嗚呼老淚空沾竹枝綠

客至用清湖阻雨韻述懷

暑雨山齋此何夕金玉輝輝見佳客客行幾時  
度長泖爲數郵程三十日天炎道遠情實那小  
筵病酒開渴滴人生百歲何所須日飭三盃衣  
五尺我知不早自作孽顛沛空貽髭髭白山林



歷代詩選 明徐少海 五  
廊廟兩遼阻舉足塗泥靡所適去年雪裏客見  
懷十紙煙雲寄芳墨今年我思正莫任忽漫相  
逢劔江側飲酣擊筑歌且舞更復因之動悲惻  
我愁我病已骨立客亦支離少顏色俗眼昏營  
肆無忌當商指朱呼作碧縱橫吟域各自好慟  
哭無由破阡陌成都君平卜入神我欲從之問  
長策天耶人耶會有定俟命脩身此其極尊中  
濁醪幸未空深夜無煩三歎息

賀知章故宅

汝水孤帆遠任城四望開風流賀監宅寥落謫  
仙杯樹色含秋瘦泉聲帶雨回金龜復何在慷  
慨有餘哀

題張茂思山亭

白日林居靜清風小院偏鳥啼樹影外花落舞  
觴前古洞憑神鑿懸厓入畫傳夜深餘興在乘  
月倚山顛

夜行安山道中

木落山蕭蕭殘燈照寂寥病驚時日暮愁厭客

歷代詩選 明徐少海 七  
途遙急澗聲逾響荒村語不囂月明如有意深夜伴歸橈

彭城時黃河水溢壞民廬舍風景比上時

頓異

客思經春盡孤舟此復來川原逃舊迹鼓吹發新哀白日波間見黃河樹杪回不堪風景別獨立重徘徊

瓜州風雨不克渡江

未遂歸來願空驚歲月奔布帆三日雨茅屋數

家村山氣遙連海江聲近在門無緣得飛渡東望欲消魂

送顧起元甥壻之京

病中愁送客况復是殘年雨雪三更夢江湖萬里船天垂龍塞沒星接鳳城懸到得燕山路應書數字傳

同劉鎮江登甘露寺

翠嶺鬱蕭森澄江鎖貝林潮聲過灘急帆影逐雲沈閣迥煙霞入城危雨露深所希吾道泰尊

酒日登臨

沛徐道中

白日下平原蒼茫野色昏水深孤嶂沒土瘠數  
家存雨意衝寒急風聲入樹喧夢魂不知險夜  
夜到鄉園

送張行之僉憲兵備陝西

粉署聲名早干城簡命殊風雲開絕足日月仰  
高衢古塞旌旗合重關堡堞紆共傳新范老風  
采動邊隅

夏日吳侍御邀遊通惠河

頗憶三江遠乘流意若何水深秋氣入竹密雨  
聲多熟果當尊落驚禽拂棹過柳陰催繫纜欹  
枕聽漁歌

西庄

問訊高人第城西庄更幽竹深秋靄合花重夕  
陰留澗水斜通泖雲峰曲抱樓不知塵世外何  
處有丹丘

題竹泉卷

高人有新卜近竹細泉分曲逕延秋入寒流雜  
雨聞過橋尋泐脉移榻攬停雲羨爾幽棲地慚  
羈鵲鷺羣

中秋對月

對月寡相恤停杯深抱愁人間別有夜天上本  
無秋慚促年華暮虛瞻霽色流瑁湖何日去吟  
笑逐沙鷗

中秋對酒

虛簷寒露集對酒迥添愁簾捲爭延月杯乾半

失秋擇枝烏未下應節火頰流世事無端甚真  
懷海上鷗

吳木田沈鳳峰唐黃州過訪各贈一首

歲暮勞相訪凄然感昔遊乾坤共漂泊時序幾  
淹留南北書休斷田廬計早求囑君吾止此大  
白且須浮 右贈吳

有美蘭臺客携尊兩度過迹疑閒處數情似別  
來多不寢聽高論忘形發浩歌世途方冷煖念  
子欲如何 右贈唐

夜贈張太室同年還朝

相會亦草草君能幾日留未嗟行道遠真覺別  
時愁落月孤山欻微風散水鷗所祈太室夢時  
作劔津遊

寄答聶一川先生

煙波渺渺一舟行却算遊程歲屢更踈懶若爲  
酬問訊浮沈猶自愧科名新詩浪擬張平子文  
賦休傳陸士衡正是春霖人望屬卧龍滄海可  
無情

五塢山房爲盧師臣題

茅堂四面倚層峰曲磴迴巒路萬重吟榻夜涼  
邀月宿書函春暖倩雲封畫圖彷彿容旋馬蹤  
跡分明識卧龍我亦舊懷山水癖卜居何日定  
相從

寄張水南

小窗深夜憶論文抗手雲泥事已分問訊在煩  
青鳥使棲遲真繫白鷗羣珠還道左誰將引劔  
合期賒只浪云兩地一燈期不寐哀歌未敢遣

君聞

九日登高次余氏池亭韻

三年登高苦無侶此日浩歌雲水清  
歲華數去一笑足世事看來雙眼明  
黃花遲發謾索價好月驟出良多情  
呼童秣馬恐恣睡我醉欲傷中宵行

壬辰九日感懷

鄉國京華各路長客中今日兩重陽  
登高未辦公餘展却病聊開戒後觴  
蒲質細看真易老菊

花頻嗅漫多香從知杜甫常愁思不是無才作  
孟狂

送何復所方伯赴湖藩

仙帆渺渺隔天涯一望秋風思不支  
閩渚有龍遺劍久楚山無雁得書遲  
論心漫憶陳蕃榻揣分真慙鮑叔知  
已向丘園懷舊隱彈冠直恐負深期

棟塘爲李侍御尊翁題

小堂雙棟夾幽棲高下爭看一字齊  
踈影碧流

時近遠好音黃鳥互東西花遲暗數風前信根  
淺親培雨後泥春興近來聞頗劇酒尊詩冊夜  
深携

移橘植後圃

小圃松篁野興長更移疎橘助幽芳欲栽預墾  
為藩地已植仍披種樹方影近石壇思倚月枝  
低茅屋畏逢霜多情却抱他年慮定否傍人比  
召棠

石倉十二代詩選

四集卷之三

蘇門集

大明

祥符高叔嗣著  
後學曹學佺閱

至日懷大梁諸友

浮食變寒暑鳴玉供朝趨量力恨短弱更歲塞  
王途陽候浮天紀陰風出地隅感時頻自惜盈  
抱無新娛澄醪屢泛卮高齋坐自持佳晨拘省  
署何似并游時素雪交北下青陽各南移往歡  
徒駐目祇足攬歸思引領託長謠情興何蕭條

歷代詩選  
同懷在萬里勞望阻今朝萱有憂難解桂無隱  
易招願爲皎皎駒共食故場苗

秋情

涼風吹庭樹蕭然已暮秋歲運空云往客行胡  
久留良時每易失微志果難求餘光儻可積但  
恐成山丘

臘日

璧昏時告遷懸象馳北陸朔風起庭隅白雪塗  
我屋客遊豈不久鑽燧頻改木祗役兼秋冬餘

力不遑戮辰策幾犯星宵暝疲案牘自顧鉛刀  
質安能久持祿先民有逸行抽簪入空谷我懷  
中園游曷云反初服

出自薊北門行

北望何蒼蒼黃雲亘塞長匈奴寇漢壘鳴鏑遮  
其涼龍堆坐已沒狼烟行相望將軍被嚴命倉  
卒援封疆出師憂太白募士乏中黃努力一再  
陣沫血不相當還思關輔險頃歲何流亡內地  
困蜚輓中人無蓋藏填壑力易屈土崩患難量



歷代詩選 明帝子業  
欲陳九折術惜非醫國良

病起偶題

空齋晨起坐懽遊罷不適微雨東方來陰靄倏  
終夕久卧不知春茫然怨行役故園芳草色惆  
悵今如積

謁海上人相

京邑驅匹馬日有塵沙顏清晨整巾幘時叩高  
僧關白日照仙閣晴雲滿空山相看偶一笑念  
此客身閒富貴不可求余將從此還

本寮再同子延上方寺賦

已忝陽春遊再陪瓊瑤作首歲與君同名區踐  
初約芳風散入林陰靄遞相薄微雨點春城流  
雲蕩仙閣樓當望遠立酒共馮高酌樹裏梁王  
臺水際夷門郭伊余本孤踪事主乏明略偶因  
負郭田解印歸丘壑閒居道心增日戀空門樂  
安得拙病軀放達長此託

敘懷

生長夷門郭往來莘野路家貧無良謀躬耕有

歷代詩選 明高子業 三  
遠慕始窮伯王略遂覺生民故曰余本空疎當年恣高步慶彼鳴鶴期忝此飛龍顧亦知敝帚材早享千金誤日月不我留撫心慙往素

移樹道上

春園就蕪穢雜樹生蒙密不知雨露功長養何多術婆娑使人憐斬伐終余恤乘時聊徙植于以託吾室交生兩相當列映直如一轉令門巷新遂放雞豚出脩脩原上風團團村邊日紛吾本蹇劣兼爾抱憂疾敢學成都桑而謀荊州橘

願及垂陰成初志儻此畢

畚顧司僕見問

幸自返中園非關逃微祿方因疾病餘匪忽供樵牧春至東郭田夏來北林木時從遠原上日縱平郊日野老逢與言道書閒能讀何爲共世人無事相追逐勞君問出處日暮掩茅屋

與客集和氏園

惟君遊每接自余居多暇留連上客筵款曲中園駕賦詩芳泉側舉爵茂陰下放心安知憂携

歷代詩選 明高子業 四  
手不能罷日氣淡將夕雲影垂方夏爲農信可  
懽世自薄躬稼

曉還城休左氏莊

與君枕隄口共結東城廬日出蒼林背回看十  
里餘柴門通大道村巷隔平墟主人無事見  
客頭未梳絮言惟農務一飯但園蔬方當數來  
往肯爲容籃輿

秋日感懷卽事

盛時畏易衰修名患難立伊余心不逮年命降

將集素髮今已垂畫省昔嘗入感徃慕寵靈憂  
來戀鄉邑咎本懷璧招時豈羸糧及坐見白露  
溥行方朱火戢小人安故丘始願終能執

曉出前林

理櫛聽鳴禽舉帷望朝旭快然登前林煙芳紛  
滿矚秋晴帶餘陰夜雨生新綠道勝絕紛華情  
愜關幽獨在天羨白雲凌風慕黃鵠賞心久已  
違感此勞中曲

夏夜同袁德延騎出宿村家

景落息炎氛輕策稍相試微風送林木皓月臨  
平地路遠忘前期情愜隨所至田父止我宿茅  
屋勸客醉起步中天空仰對明星次一貪雞黍  
筵三歎前賢意軒冕愁束縛江海傷憔悴且願  
爲老農敢謂辭高位明發返故墟努力看身事

宴王禮部紹甫諸君

寒日轉高館微晴冬朔餘窮巷多冰霜車馬盈  
我廬良朋四方來各擅當年譽言論吐中堂溫  
如春華舒枚鄒久不存梁苑爲丘墟千載得斯  
人燕好同其初嘉會不可常古人言豈虛有酒  
今不歡歲晏情何如

潞安道公衙罷

微雨潤春郭層雲昇空山訟庭方散吏高閣閉  
重關緩帶不遑息投身簿書間念昔郎署居此  
時曹務閒焚香娛道心服藥養羸顏良遽忽如  
昨行役無時還邊州多客愁日夕鬢將斑

宴別文谷先生赴祁州

擾擾時相見悠悠遽還辭離居不可道行役且

焉之歲晏冰霜厲天寒鼓角悲軍城數杯酒官  
舍滿篇詩感激多新調飄零最苦思才高世總  
棄名在衆方推蹇識風塵色行霑雨露私郡齋  
暇北眺猶接 帝京陲

余吾驛壁

秋日何淒冽曉雲陰復晴客行多所懷鬱鬱獨  
含情登高倦長坂涉水亂河聲僕夫不遑息投  
館晨雞鳴惟昔負微尚于今遂無成田廬日綦  
蕪何由反躬耕寄言同志者羞作望塵迎

省中夏日述懷

聊遣塵事營宴坐適心歡重門永日影開簾新  
雨殘山城方覺暑水木湛生寒夕氣清川澤晴  
霞映林巒顧懷職司憂眷然發長歎華居豈不  
崇斯人詎獲安先民計日食所戒在空飧薄俗  
匪足矜嬰使寸衷殫

歸次南關驛作

祇役忽于今經塗宛如昨秣馬息芳林振車越  
重壑歲暮滯還期客心悵不樂日余本沈冥遭

歷代詩選  
時迺落化海異微禽蟠泥豈尺蠖方因遷斥  
餘始遂歸來諾逝將入雲峰滅迹從所託

簡校戎器

弱冠伏南土微才卓不羣雖情坐勝術于戈非  
所聞九域效太運六位升明君黃石埋兵略青  
藜照秘文楛矢積北闕絃琴奏南薰龍庭元刊  
壘虎賁久息軍如何儲戎器還以事邊勳鶴膝  
非時急犀渠要日焚折衝存墨帶多算騁皇墳  
願言思農扈王化在耕耘

門有車馬客行

京城十二衢輪蹄何縱橫縱橫行且止金張門  
已盈媒拙坐趨趨言巧通逢迎中厨命豐饌四  
座羽觴傾南冠進楚舞西瑟發趙聲辰會日移  
中昏宴及鐘鳴主恩諒不訾殺身良爲輕片辭  
重大呂一顧越兼城何知草玄客寂寞莫擅英名

雜詩

窮巷寡人迹當戶生芳草伊人空堂上徙倚傷  
懷抱獨攝敝衣冠容色何枯槁飛鳥更我庭歛

歷代詩選 卷之三 八  
翼空山早仰視默含情思歸故鄉道

簡思仲

涼野轉蕭條秋林自晴朗靜看霜葉落悶聽寒  
蟬響朱紱與時違素髮隨年長安得携手同常  
此丘園賞

還次陽武與孔文谷飲和其韻一首

客子多苦辛塵滿征衣裳旦下太行坂車輪摧  
羊腸邊戍久不歸馬毛變胡霜安知平生親合  
并此中堂廣筵羅絲竹寒日懸晴光陳觴未及

飲感徃各自傷歲晏客如何欣願履初陽

書壁

方知日月易歸來已三年先世有敝廬遺此東

郭田况遭 聖明君閭井各息肩自我解朝簪

抱疴常晏眠衣冠挂塵壁起來茅簷前有時負

藜杖逍遙看晴天柴門白日景雞犬鳴籬邊中

心私自念微願倘能全安知被嚴命尙爲尺組

牽不行冒時禁欲去且畱連仰扳道傍樹手種

皆可憐人生豈落葉一往隨風遷亮懷達人心

歷代詩選  
萬乘猶將捐終當復來返不愧昔時賢

再調考功作

引疾三上書微願不克諧徙官復在茲心迹一  
何乖軒裳日待旦閭闔凌雲排入屬金馬籍出  
與羣龍偕積賤詎有基履榮誠無階但惜平生  
節逾久浸沈埋既妨來者途誰明去矣懷鳥迷  
思故林水落存舊涯惟當尋素業歸卧守荆柴

少年行

死士結劔客生年藏博徒里中夷門監牆外酒

家胡有時事府主無使擊匈奴虎頸一侯印猿  
臂兩雕弧誓使名王侍羞聞邊吏誅長驅隨汗  
馬轉鬪出飛狐蒲壘遂破滅莎居不支吾甲第  
起北闕蠻邸開東都豈學嫖姚將椒房仗子夫

春日行

大隄花欲然芳郊草不歇冶服誰家子良辰爭  
馳突寶劔本侯家金鞭自俠窟共矜百金裝相  
誇千里骨雲散權未終月明還城闕朱門徒御  
稀青樓歌管發倡女盡朱脣貴主俱鬢髮衣向



車中更燭從坐上沒誰論牆東生白面羞干謁  
初侍御巡鹽山西

漢家事邊財已屈始置鹽官佐邊實征權盡籠  
山海利均輸未免公卿失肉食寧知藿食憂富  
國不暇富民謀 朝廷經費貴取足文學當年  
寧見收古來猗氏稱國寶舟車輻湊河東道頗  
聞大賈巧乾沒轉見疲人色枯槁繡衣持斧出  
西隣却望關山驚虜塵在時不必資鹽策爲訪  
漁鹽遜迹人

初泛漢江東谷使君邀飲習池

大隄兩岬春流滿峴山十里銜日晚新雨深沈  
洲嶼移餘霞明滅川途遠南來鞍馬背高城泛  
舟始作漢江行總轡昨朝當寒食鼓楫今日值  
清明清明寒食愁江路逢人乍問棲泊處楊柳  
深垂渡口喧桃花淺映村頭暮襄陽使君乘暇  
日邀飲習池酒興逸然燈清夜歌管鳴鼓角蒼  
波魚龍出去國未覺客身輕乘流翻恨風帆疾  
別君轉入江湖長明發解纜情如失

自承天進船暮至潛江寄郭舜符

漢渚雨聲深日暮愁客心楚山雲霧多其奈客  
行何時時登岼覽風物往往張帆去超忽泱泱  
江流雨正添蒙茸春樹日催發茲行豈是乘桴  
意欲遣虛舟隨所至年年本自江海人終朝遂  
諳魚鳥事投札鄉園報所思舉芳欣及仲春時  
頓忘異國勞行役但闕同心廢賞期

寄霍山人歌

驅車意不樂還出梁宋門馬頭逐殘景野火連

孤村北風颯颯吹郊樹明月照見村前路東方  
隱者昨歸去相尋不見空相慕隔縣卽同萃野  
田逢人只在空桑住明時不合但漁樵少年豈  
是窮章句羨君苦節應多奇嗟我支離亦如斯  
夙昔產業身無賴長大衣冠名未知有時徒步  
謁天子無何解印歸田里方計爲儒世已驚祗  
言作吏人同毀畫堂賓舊走營營柴門容髮看  
秋水西望夷門厭紛華東來却出寒城裏願此  
栖栖何所求釣魚牧豕適吾謀野田憶汝不堪

麻把筆題詩此夜愁

明月引

滿地金波迥中天玉鏡飛有烏多夜語無雁不

春歸影徹銀河水光翻織女機何當御尊酒常

此奉澄暉

長病起偶題

空齋晨起坐懽遊罷不適微雨東方來陰靄倏

終夕久卧不知春茫然怨行役故園芳草色惆

悵今如積

初去都夜

泛舟當日落解佩及春歸病比相如是情方叔

夜非暖雲蒸海氣殘月吐洲暉今夕孤懷客誰

云伴少微

行至車騎關河南界盡處與親知別

山河未可盡行處與春長驛路沙俱白關門柳

欲黃親知己自返離別各相望且緩征車發中

心戀故鄉

途中遇樊少南便別行至安肅縣作

驅馬一相見悠悠難再逢客心春夜月官舍白  
溝鐘不免微名累其如多病慵空臨南北路愧  
此平生蹤更自及歸無各際望且驚孤車翠中  
山西安肅縣寺病居漢陽董玄亮見過時董奉  
北使還闕關西南界盡與與踪狀眼  
門前易水路下馬漢陽人野寺天晴雪他鄉日  
暮春相逢一尊酒久別滿衣塵不憚王程急應  
憐伏枕身春種亦出林收景謝  
寓居慈仁寺游覽

終日仙宮掩青松繞殿遮到來長春草行坐落  
天花閣上王城盡門前官路斜微身隨處是何  
敢歎無家

與王庸之飲

旅舍背都門春風酒一尊坐看芳草路回憶故  
山村爲客誰稱意逢人未敢言畱君須醉倒無  
奈日黃昏

歸自蕭氏園作

到來日已暮歸去戀柴門空有山當舍其如酒

滿尊心知柳葉長愁見桃花繁立馬一回首令人思故園

昆盧閣上同伍疇中諸公西望

客來時一上對此西山平向夕簷楹立憑空閣道行楊花飛暮野雨色動春城却戀同携手都忘羈旅情

與鄒生遊香山宿僧房

遠愁春草歇驅馬春山中夜宿禪關下時將心賞同風生近谷滿月照前湖空終愧淵明輩玄

言對遠公

華嚴洞上夜作同鄒生

宴坐最高頭憑巖散客愁俯聆玉泉響仰眺金波流伐鼓山堂夕焚香石殿幽與君學栖遯它日更相求

送別家兄張掖門時謫開州

垂泣一相送臨途無限情功名何物是流落此心驚夢裏窺鄉樹愁邊滯帝城終朝誰復語猶去戀塵纓

簡子陽廷評

終日祗緣此微官奈若何世情堪歎息身計任  
蹉跎客鬢涼風早鄉心夜雨多故交誰復在無  
厭數來過

送閻公甫赴保定太守

郡城三百里北望卽皇都驛路客常滿征繇  
民未蘇門臨白溝水山遶太行途君到爲良吏  
平生仰壯圖

送別德兆武選放歸

燕郊秋已甚木葉亂紛紛失路還爲客宅鄉獨  
送君罷歸時共惜棄置古常聞莫作空山卧令  
人望白雲

中秋同栗夢吉飲

酒罷俱不樂開簾望北軒寒星出戶少秋露墜  
衣繁散步憐新詠平居想故園空庭今夜月客  
思豈堪言

春夕同李考功道舊

下馬春庭夕明燈夜雨深人多新歲感日有故

歷代詩選  
明高子集  
園心磨滅名題柱  
淒涼賦賣金  
十年同省舊  
誰念各如今

子脩侍御見過時謝病

郊扉臨巨壑  
野日照晴空  
柳色春衣上  
波光曉鏡中  
當軒留駟馬  
出戶倚雙童  
欲問朝簪懶  
人今卧病同  
酬蔚士量見過

勿以歸來早  
其如疾病何  
朝朝故園裏  
寂寂古城阿  
自入深林牧  
閒當大道歌  
知非蔣生徑  
求

仲爾來過

感尚晚步

出門還自笑  
復此欲誰親  
惆悵村頭樹  
歸來路口人  
風聲兼亂葉  
日氣抱游塵  
豈不躬耕苦  
東看是有莘

霍開府載酒見過

列坐青郊映容門  
畫戟雄晴原  
獵騎外春草舞  
筵中玉珮邀  
皆至金尊狎  
與同無將灌  
園意錯訝楚三公

晚過陳蓋卿時寓居廢寺

不識禪宮廢來從客舍看如何  
種竹趣相對雨花壇  
新雨開晴景微風起夏寒淹  
留未忍去華月在雲端  
孤輝照空林色衣上波  
昏景送李淮安  
馬出戶倚雙童欲問朝  
悵別各千里忽逢指寸心  
明燈不自意故國乃相尋  
寒館鳴秋雨高城結暮陰  
胡爲疇昔願江海尚如今

和汝南見過

空林一葉落茅屋幾家秋  
對酒涼風至開簾古樹幽  
相逢還自笑欲去爲誰留  
正此夷門下休猜姓是侯

友人設飲病不起

晚日留仙轡涼風勸客樽  
偶然擊筑伴依舊抱關門  
樹落千重葉蓬吹萬里根  
病身一如此誰念在孤村

荒村猶病卧空愧故交深

復有高堂宴無如伏



枕心寒郊懸日影平楚帶秋陰向夕東城望寧  
知佇立吟

偶題

久為南畝客况此北窗時翻笑陶元亮應多歸  
去辭涼風昨夜起殘雨夕陽移坐卧身無事茫  
然生遠思

曉起

惆悵空堂曉蕭條秋氣陰懸窗對疎雨落葉滿  
重林長往懷仙事端居養道心誰知歲復晚高

志莫能尋

酬左舜齊林中冬夕見寄之作

霜葉落漸空暝鳥飛俱罷出門歲已闌倚樹人  
方暇映月眺煙郊了自見茅舍下有飯牛朋商  
歌滿初夜

谷司僕田黃門諸公見過

山林高士駕雞黍野人心不避家貧饌難忘歲  
暮尋寒城雲際擁晴樹雪中深誰念平生意幽  
栖獨至今

文水縣驛壁讀王司業德徵詩因和其韻  
長塗無驥足短髮有漁舟感歎如斯日羈牽自  
夫秋寒燈知客意鳴柝亂人愁屏上山川記何  
因認汴州

分水嶺曉行

客興日無奈兵荒歲屢加少年曾許國多難更  
移家遠水通春騎孤城起暮笳憑高一回首何  
處是京華

汾陽道暮晴奉和姜侍御之作

連城吹暮角暑雨變新晴垂穗綠槐合將雛烏  
鳥鳴山川發高詠州邑寵巡行莫怪炎蒸歛霜  
華滿路清

秋日早起偶題

鏡中一夜恨攬此二毛增寡識時方忤多憂日  
不勝雲霓發宵夢簿領迫晨興脫屣吾將往丹  
丘尚可仍

九日河汾書院雨雪陪諸公宴集

千山風雨集九日雪花深歲序嗟如此賓僚盛

歷代詩選  
卷之三  
至今酒中催夕暝樂進解秋陰醉傷龍山飲誰  
憐幕府心

井陘道中

曉霜塗屋重寒日出林微改轍辭邊徼登車望  
帝畿深山藏驛道巨壑斷村扉欲問前征侶迷  
津何處歸早秋  
寒食定與雪中

二月鶯花少千家雨雪霏可憐值寒食猶未換  
春衣積水生空霧高城背落暉忍看楊柳色從

此去王畿

避雨五嶺山

鳴雨斷還續連山下復高踈慵元自慣登頓爲  
誰勞問館投身促防崖著足牢客程憐若此終  
念反林臯

壽陽東寺閣憶體易

朝來携手罷夕間賞心同听嘖層樓上馮軒野  
寺中嵐光冒邑里秋氣變林叢坐使客愁集非  
關尊蟻空

還自鳴謙山行用前韻時體易使君亦至  
塵鞅苦西東追攀日復同戍樓雨宿夜山館曉  
行中峭壁排雲樹崩湍下石叢流觀亦可悅寵  
辱此心空東寺開新豔  
念又平定城東西交口用壁間韻  
敢言觸熱倦悅此午陰長蘭氣清林薄蒲風散  
野塘高陵堪下馬怪石欲成羊可念征途侶題  
詩徧驛堂五嶺山

更去晚趨忻口

雲峰聊極目立馬獨愁心豈直關山遠其如雨  
雪深笳聲先入夜邊氣迫生陰疇昔長征意蹉  
跎力不禁

途經五臺山不及攀游

客路迂回甚驅車悵此分懸厓晴度日幽壑晚  
生雲怵迫非吾意悲歡與衆羣終當卧靈岳夙  
志豈徒云

霍州旅次

久客顏將老逢人舌尚存欲詢干玉策所願與

歷代詩選 明高子詩  
誰言霍嶽三年路汾橋十室村不堪驅馬去秋  
日易黃昏

沁州張源鋪

去國三年意還家此日心天寒客路永日暮衆  
山深沙塞人偏老風霜馬不禁如何更萬里投  
跡楚江陰

許州城南道行酬左君舜齊招隱之句

微陽稍晴曙微雨被山川芳樹交生道春流灌  
注田耦耕本夙志驅役乃茲牽未覺江湖遠投

身竊自憐

襄縣城東卽事

春晴汝岍曲夜雨襄祠東日出冥濛霧天垂斷  
續虹關梁臨水閉馳道與山通旦夕龍輿度千  
城望幸中

龍泉鎮作

落照寫澄潭石梁水半含可憐雨氣歇復與天  
光涵客路乘春景人家映夕嵐我行殊未倦彷彿見荆南

呂潭境

連山望不極况復楚雲長萬樹含春色孤村帶  
夕陽解鞍當古戍投袂及空堂去國日方遠懷  
君意敢忘

夏日作

宴坐清煩暑闔扉映夕曛山堂聊假日水氣自  
蒸雲處潔嫌新沐懷奇厭舊聞齋中無一物几  
上太玄文

良齋酬空同載酒見尋

負郭幽常卧移尊遠共尋觴中泛野色座右落  
城陰自顧薜蒿滿還驚巷轍深相看欲何語疲  
病謝朝簪

東郊雨中柬士量

閒居甘絕跡疎雨對芳原念欲開青眼誰還共  
綠尊林煙芴舍午野色遠村昏自笑平生意無  
人空閉門

秋郊雨後

空澗容秋望虛徐步晚曛夷門新夜雨太室半

晴雲犢放前王地身閒野客羣鳥來幽興愜誰  
語遣相聞

八空刈禾了晚望

禾黍空場圃秋風滿近田出門看曠野倚杖向  
高天嵩嶽孤煙直蓬池落日圓醉歌有隣叟共  
笑夕林前

誰復臨窮巷丘園問腐儒寒醪傾罄落野飯進  
雕胡開爨連雲白穿林照日孤歲闌總相笑何

處覓潛夫空同無榮枯不令野

九月十日晚登城樓同川甫

暝色起郊關層城煙霧間千家響砧杵四顧滿  
雲山片月增愁思涼風減病顏登高情未已還  
共此追攀

元玉送至河上夜飲作

野館接芳筵客心尊酒前終知臨路別且戀對  
牀眠近壁燭殘夜開簾星滿天鄉園猶在眼卧  
此已三年

進兵介休

卷旆輕風發趨程落日懸  
重來介子縣還渡魏侯川  
吏道堪頭白兵戈正眼前  
親交齒盡落歸計只年年  
送馬二來視其弟遂歸上蔡

握手慘離羣白眉重昔聞  
星辰來暫聚鴻雁去還分  
春入荆南草天橫薊北雲  
新豐空復客無路薦明君  
十日報登丸對同川南  
飲酒空同海棠樹下分得一字

庭前有奇樹含采弄春日  
託根磐石間垂景幽蘭室  
攀條事可憐對酒情非一  
空噓嘉樹傳賦爾慙抽筆

夜懷家兄時有七歌示叔嗣

高梧殘雨滴涼氣晚來生  
一夕茅簷下思君千里情  
夜蟬臨戶響晴月度林明  
要自離居苦長歌不遣平

赴晉渡黃河

王程不可緩去此故園難  
晚日臨晴渚秋風動



早寒山田十畝廢蓬髮幾絲殘顧影真成笑馳  
驅爲一官

冬夜寄友人

客地殊不樂褰裳夕望通葭灰欲變節桂魄幾  
乘空楚奏今維切商歌古亦窮兔園推上客狗  
監數文雄留滯無萱草拔援有桂叢何因辭世  
網去矣作冥鴻

魏安福文瑞傷其師地官左君然俾爲是

詩

共擬丘明作誰云大雅亡時維憂鵬集物以忌

蘭芳垂泣驚相弔興言耿不忘鳳毛空挺異雞

舌但餘香恨積涇流咽愁深省樹蒼招魂會有

述一爲訴巫陽

次韻田水南見過之作

夜雪連窮巷朝來片日暉故人停駟馬問我掩  
雙扉自出知誰是相看能爾稀家僮釀酒熟獵  
伴射禽歸草具成賓饌水綿對客衣歲寒心不  
淺日暮意難違客興催花發農功候鳥飛期君

歷代詩選 明高士著 卷三 十一  
前浦伴預指釣魚磯

寄家兄祠部郎中時自嘉興同知量遷

自別五更歲相看千里長聞辭郡府謫欣拜禮  
闈郎稍進雲霄上還追鷓鴣行趨朝日振珮直  
省夜焚香得罪南皇仁濶失羣予志傷氣猶負  
然諾力已困迎將春草邊城綠寒雲戰地黃憂  
心何以見視此鬢毛蒼  
省閣率爾題寄同懷不  
下車春草歇掩閣夏雲深情以軒裳倦愁緣節

候侵訟庭白鶴毳屨宇碧山岑乘夕恣游屨憑  
高敞鬱衿連天通漢水多雨暗楓林畏鵬非前  
志爲鵬想壯心越鄉誰不感題此繼莊吟

廣視堂作

茲堂抗峰首伏檻卽江流夕日川新漲空天雨  
半收煙虹形婉俾石壁色青幽行藥恣閒步題  
篇紀勝遊城隣龍伯國宅並羽人丘臨眺非無  
樂客心自有愁

寒食日毘盧閣上寄茂欽

高樓晴出帝城南楊柳千家夜雨含欲換春衣  
驚客久况逢寒食思誰堪門前歸路愁心繞檻  
外羣峰癖性耽憑報故人應竊笑微身何事戀  
朝簪

送抑之侍御謫興國

別離無奈客心煩直道南遷荷主恩臨路加  
殮當自愛平居握手更何言連山楚雨迷官舍  
隔縣鄉音認故園君到江州定回首同遊霄漢  
幾人存

送陳永和鈞改官之真定學曩府君教處

厭事嘗疑拋縣印之官又見向儒宮城臨沱水  
新橋在路繞恒山舊驛通乍到士人應認姓爲  
詢父客幾成翁經中更廢蓼莪講坐處青瑣恨  
頗同

招友人

散髮終朝偃舊林墟中無事肯相尋數家砧杵  
驚秋早蒲院蒿萊對夕陰多病祗堪謀藥物微  
官何敢污朝簪濁醪漸熟來同醉無恨蕭條歲

暮心

權店曉行

孤城吹角罷黃昏  
歸馬蕭蕭向驛門  
衰柳更添霜後色  
殘流初耗雨餘痕  
求田未果青山願  
出守仍銜紫禁恩  
寵入亂峰行不進  
投身空館寂無言

除節十一月朔孝義道

山城風物歲將闌  
行縣初因問俗安  
授曆漫驚違一藏  
趨朝尚記逐千官  
煙鐘動闕天微曙  
火樹熏庭夜不寒  
久忝恩私今始悟  
簿書催去驛程難

太原縣西十里亭逢張景周憲使歸田

京國當年進謁曾  
柏臺棘寺舊儀形  
未言投劾歸田早  
長羨之壘矯制能  
晉地彫殘非往日  
漢家兵火劇繁星  
逢君便作東西別  
他日相思記此亭

十二月十四日有憶子陽仲材諸人

去年今日共長安  
遣騎邀賓卜夜歡  
別後客身

愁裏老向來人事夢中看殘更改席歸猶懶大  
雪盈庭醉不寒念此邊城獨坐語相思晴月滿  
林端

至日晉府拜朝同曹仲禮

王庭肅穆映朝暉圭景纔長暖力微此日預霽  
新歲酒同時應認舊朝衣暫開宮殿陪仙仗端  
望雲霄拜帝闈不到邊城時作吏向來恩遇  
未知稀

遼州卽事

羈愁日日與春增分省無功笑吏能官舍到時  
常是客山城多暇靜如僧新晴滿院朝來雪佳  
節空堂夜半燈最是上元無意味平時宴賞隔  
良朋

得京邑書次新城作

邊城迢遞強西還歲暮征車入帝關風定塵  
沙迷舊路天開雲霧認前山寄心轉切鷓鴣侶  
投足新從戎馬間謾道姓名人憶少瓊書長把  
慰愁顏

真定城別陳秉中時自京西還

經途雨雪涉冬春  
倉卒重過奈此身  
客舍留人酒甕熟  
官橋繫馬柳枝新  
山河半折北來路  
烽火全驚西望塵  
別去定知頭白盡  
邊隅誰念一征輪

雨後柏井同方體易

踈館餘晴片日暉  
陰移高樹晚涼微  
自窺水檻人將老  
轉念山扉客未歸  
天畔綠虹臨戶映  
風迴白雨過村稀  
荒庭一醉拚君共  
呼取醇醪興

莫違

飲平定孫太守宅奉贈時壽八十二

榆關月出滿晴暉  
留客芳尊盡夜歸  
本戀青山辭虎竹  
甘垂白髮守漁磯  
藥欄傍戶花香入  
藤樹當庭葉露微  
便向磻溪問衰健  
周王仍欲夢熊非

太安阻雨有懷都下諸友

蒼蒼雲木變川原  
黯黯春愁獨掩門  
卧聽遠春白日靜  
起看陰壁綠苔繁  
官名薄劣慙新侶  
郎

署遲迴念舊恩強欲題詩報同舍便應投劾去  
鄉園

南關晚行

笳聲人晚不堪聞驛路山腰向此分洞壑空濛  
秋雨雪巖崖突兀石生雲愁心胡馬方頻入寓  
目冥鴻定幾羣歸興轉從今日盡將因沙塞著  
微勳

漢江春日

漢臯微雨點人衣江路南衝雁北歸寓目不堪

愁遠涉投身方自愧高飛衣牽蘅杜多春氣船

泊雲霞變夕暉未許笠蓑同楚父來遊榮祿守

漁磯

贈子晉

濁酒相逢卽爲開憐君况是洛陽才久淹帝里  
誰能念數過禪扉獨見陪四月溫風吹草樹西  
山落日映樓臺宅鄉盡醉無不可愁見都門歸

馬催

秋夕憶兄

一樹秋風落漸多  
高天窺鳥暮雙過  
欲將遠字愁難送  
正把新詩悶自歌  
雲外楚山移使節  
雨中梁苑對耕蓑  
柴門此日誰憐病  
情極湘江萬里波  
念雙嶽脈氣鬱只  
留四月風吹草樹西  
風星輶驛流開對  
岳民最苦木入宮  
帝里萬山詰曲此  
孤亭遠客西行暫  
所經生事不堪頭  
早白世情無賴眼  
常青深林落日憑  
軒望亂葉吟風隔  
坐聽寄謝蔚羅當  
日者高飛今已入  
冥冥

漳河上元日寄呈後渠

落日銅臺北獨行  
南望頻鄴城今夜  
月燈火可憐春

淇上

旅館值芳辰  
畱連淇水濱  
猶憐官道柳  
滿目故鄉春

定州道

夾岍新楊映廣津  
客行無緒獨愁人  
故園亦有千頭樹  
二月中旬汲水濱



陽曲灣作

閒庭芳草日分長  
疎雨高槐夏轉涼  
一片鄉心千里目  
青山無數晚蒼蒼

又

胡天杳杳夏吹風  
涼雨濛濛夜已空  
夢入梁園樵采路  
覺來身在戍樓中

春

石倉十二代詩選

四集卷之三 終

石倉十二代詩選

四集卷之四

芝園集

大明

鄞縣張時徹著  
後學曹學佺閱

雜詩

東風吹野草皎皎薄郊垌  
丘中有逸士荷鋤事  
偶耕朝殮巖上華暮采隰中苓  
青雲為帷蓋白石為軒楹  
親暱相讌樂懷此黍稷馨  
雖無五鼎貴庸樹千秋名

其二

鹿豕萃深谷關雎在河梁民生有匹偶眷言悲  
參商山高亦有逕河廣亦有航君如懷婚媾誰  
謂道里長昨聞晨雁鳴今見玄鳥翔時物數遷  
化携手安可常苧衣酬縞帶寶劔懸枯桑結友  
無新故永矢勿相忘

其三

汎汎中流客攬衣相控語優游南海濱懷筌遵  
枉渚風波日以厲同舟互猜沮言返故鄉域力  
耕藝稷黍瞻彼塋壟間沃沃生長楚日月不恒

居歲晏孰愁予去去履長薄言采薇與藿

其四

南山有巨石難爲瑚璉姿東林有樸檉不作楹  
與榱匠石豈余尤受形良不移椅桐制琴瑟被  
之絃與徽清音擬師曠逸響遡鍾期幸託君子  
御素質諒有施

其五

盈盈舜華姿楚楚蜉蝣衣晨興逞榮耀日暮已  
喪之托生覆載內奄忽何能持朝爲遊俠客夕

歷代詩選 明張佳靜 四集卷四 三  
作溝中齒尊貴等湮沒雍門亦懷悲微鳥尚可  
化金石尚可渝胡爲繫良驥坐使流光馳

其六

鸞斯介樊竇杳杳嗤鴟鵬神龍銜靈異覆爲豫  
且輕物類有如此羣動安可貞握粟行廣廛不  
逢季主明邂逅同心友執手徒屏營蹊徑騫荆  
棘周道塵冥冥徘徊仰天歎泣下沾冠纓

寄子揚

朝登白門坂遙望西江濬江流何泊泊遊子有

遠思秋風濯芳桂禾黍偃東菑役役胥塵網會  
面安可期禽鳥羣往復日月互盈虧如何永睽  
隔眈眈令心悲

其二

君子遠行役辛苦萬里途賤妾守空閨殷勤事  
錦繡商飈屆暮節莽莽草木疎寂莫吾已矣飄  
零子何如采采東籬菊側足以踟躕

其三

樹蕙南山下蓬蔓故相縈剪蔓恐傷手蔓長蕙

不生白露萃百草天高夜氣清佳時難屢遇淹  
畱亦何成逝將適樂土途遠不得征君心諒不  
遐悃款示周行

贈敖子發

美人在東谷榮耀世所希伊昔阻關梁竭來共  
軒墀褰裳策駑馬日夕往從之皦皦金玉質粲  
若桃李姿相知信云樂離別在斯須棲遲豈無  
偶嫵婉心自知願言保貞信白首良不疑

其二

青雲下脩坂白日懸城隅交衢羅冠蓋徒御肅  
輶車對子不能食送子不得俱君爲千里驥余  
爲櫪下駒君若雲間鵠子若水中鳧形影豈不  
懷羽翼不相如言采陂上蘭與子聊踟蹰

其三

葛生南山陽絲絲蒙于棘枝蔓得所依茁葉芬  
以碩惜哉飄風發零落竟安適平生心腹交自  
信金與石如何南省郎忽作西京客積雪明林  
臯孤鳥翔衡輓君行有時休離思安可極

送彭道顯

侵晨上高臺纍纍見青楊楊生夾廣池中有雙  
鴛鴦如央鳴啾啾飛舉自成行如何同心人浮  
沈不相當春風吹天棘展轉道路長燕雀東南  
飛鴻雁西北翔轅馬顧狎狎引領遙相望

相逢行貽甬川祭酒

與子同根樹枝幹夙所依東西互漂泊寒燠歷  
遷移交游盛宇宙何如我所思長風戾羽翰夢  
想覲容儀豈期薊門駕改轍復來茲水深秦淮

汜草長鍾山陂相逢擊衣帶歡極難爲辭盛衰  
鑑毛髮人代多參差金罍酌旨酒列席薦芳粢  
中庭擷萱草庶以飮調飢

送張子言

東山美衆木作室用其良文沼生芙蓉君子以  
爲裳曳裾躑躅振羽相翱翔皓月鑑殊品麗  
藻揚天光四國盛芳草爾何懷故疆夏涉孟瀦  
澤秋放燕山陽宮徵諧金奏黃流注瑤觥出處  
各有爲偃仰無永傷

送方世佩

秣馬橫塘郭肅徒鍾阜陰東山朝發日江介鬱  
蕭森執子羅裳襦贈子雙璆琳傾蓋昔如故歲  
月迭已侵出入同朝署逍遙步華林不謂中乖  
隔習習懷好音信誓諒不改山河阻且深

其二

皖彼倚桐樹童童覆河曲根生達下泉浸灌苦  
不足小人戀儔侶君子眷明德處者何次且行  
者何促迫迤邐周庭隅列饌不遑食遽欲凌風

飛環顧無羽翼願爲芳草枝從君薦寢席

蓋如夏日借鄒佩之石廉伯集顧司封館

青楊翳脩術華館遡通渠鳧鷖夾岬翔繁藻續  
紛俱中有高人宅篋笥富詩書開軒納賓客水  
陸充盤盂既諧琴瑟好並坐接璠璣酬酢方自  
此撫影良踟躕吁嗟蟋蟀咏不樂將何如

詠歸軒

入林苦不密入山苦不深以茲營別墅傍水復  
依林捲幔羣峰逼開門綠樹侵芳郊挾童冠步

歷代詩選 明別州書 六  
步愜幽尋煙霞敷錦纈百卉間珍琛樵歌白雲  
上衆鳥懷好音芙蓉渠挺朱萼澄潭鋪翠陰耳目  
不暇擇異狀足賞心歸來詠窈窕拂石彈鳴琴  
舒悰明月下託夢在嶽岑

一品山亭

園林奠山麓宛轉切河濬虛亭抗其腹詭異畢  
箭陳羣峰莽回互窈窕結芳隣如屏復如障爲  
蓋或爲茵甲仗左右列旗鼓亦繽紛徵奇不下  
席獻秀靡朝昏人貌有榮醜山容無故新竭來

舒眺矚一一品其珍遯迹豈逃晉離羣非避秦  
物外得所適聊以全吾真

舒嘯臺

孫登遯蘇門阮籍徃希之余亦秉微尚選勝披  
荆茨青山出曠野突兀臨四陲銀河挂蒼壁長  
虹閣樛枝曲澗經其下輪雲落清溪扶筇一登  
陟心神曠以怡仰天發長嘯習習和風吹泉聲  
叶琴瑟谷響答埧篋宇宙知何物寧論時節移  
何當婚嫁畢言采商山芝

武陵庄雜詠

秉願物外遊結忻在何許  
覓路辨青山沿洄遵  
枉渚丹丘忽戾止煙霞密如堵  
中有千年松滴翠紛成雨  
叢篁茁新玉樛木羅珍羽  
眺聽不勝奇日夕憺容與

其二

芳園誰所治草樹鬱以蒼  
山川自不易王者何難常  
呼童理荒穢選地蒔其良  
繁卉爲屏障丹碧儼成行  
艷色奪人目馨香襲衣裳  
徘徊不知

夕明月揚清光

十五夜餞東洲公用明月皎如晝爲韻

團團玉鏡滿的的金波明  
熙光粲層漢素景流前庭  
我有蕙蘭花送子遠徂征  
紅塵鴛丹轂綠柳抗青旌  
馨香誓不滅黽勉事脩程

其二

脩程曠渺絲羽翼臨當別  
持我夜光杯悃款相要結  
人代難久居鑒此中庭月  
蟾光正及盈四五還復缺  
願保松柏姿朝華匪云悅



其三

朝華豈不榮毛嬙豈不好綽約難久妍貞心詎  
能保絃促望舒翔江空淨練皎顧影悲聚螢含  
暉眇流藻為畢平生歡駕言臨遠道

其四

遠道不可俱金石不可渝桂席陳華階執手相  
踟躕羔羊典在服至理協騶虞經綸矢姬畢禮  
樂模臯夔行行樹芳烈光寵誰能如

其五

光寵衆所希翩翩振華胄其棠日以舒杖杜行  
當邁白駒誓難縈館餐復何授嘉樹間頽霞華  
星爛清晝何當永茲夕湛露聆清奏

武祥館翫月因泛舟

高館臨清溪溪水東西流上有琅玕樹下有鷗  
鷺洲青莎間朱藻綠柳維輕舟開筵當夜涼緩  
坐傾芳羞素月照荆戶華星粲庭陬懽言侍君  
子酣燕極綢繆

其二

桂棹揚清漪皇堤絢華月金波交綺窗銀漢流  
丹闕輕霧幕浮檣飛螢亂疏闥夾岍起層樓清  
歌當夜發石瀨轉逶迤鱸魴屢興沒沿沂猶未  
窮爲歡詎能輟樂盡須盡觴轉眄流光滅

春夜承涇野太史雍里司勳見訪得詩

明月麗江臯春風動高柳有客白馬來金罍酌  
旨酒綠水揚露華虛簷掛星斗遺我蕙蘭花馨  
香滿庭牖緇衣固所宜授餐豈予有

其二

清時簿領稀在職多休暇寂寂春草堂宵枉高  
人駕嫵婉諧素心興言命杯筆華燈燭四隅楊  
柳蔭庭榭願以琴瑟歡晤言永終夜

送張子言遊姑孰

暑雨散林薄大江流紫滙方舟出建業緩棹揚  
波瀾姑孰晟靈異龍鳳相騰騫息足峨眉亭登  
眺采石巔南瞰天門日北挹牛渚泉浮丘爲我  
右長庚爲我前冥躋入窈窕複嶺互廻旋青山  
抗疏宇芝草庶以妍波瀾萬里流綽約三峰連

石華紛可掇白紵渺難攀迢迢謝人世衣裾錯  
星纏夷猶萃遐想藻思麗幽玄靈均倘可宅圭  
紱誠足捐逝將命羽翰從子青雲端

懷徐編脩子升

建旆出東京結身為行旅朝遊白水潛夕宿清  
淮渚道逢所相識招予采芳杜我有朱絃琴按  
節為君鼓如何陰雨晨須臾成睽阻念子不能  
寐風波復愁予睇彼雲間鴻蕭蕭厲長羽

元夕舍下與客觀燈

帝朔布遐壤條風介滄溟占祥象緯見卜歲陽  
和蒸羲御方寢曜望舒乃揚精六街沸歌舞羅  
綺若川騰雕楹錯珠綴繡閣懸華燈雲霞競吐  
艷草木互舒英心志極歡豫耳目紛經營圓方  
列珍異旨酒多如澠賓朋歌湛露伐木有餘情  
琴瑟既在御車馬亦在庭今夕樂相樂千秋協  
良盟

中秋對月雜詠

瑤光徹層漢銀浪翻滄溟平沙暮素練踈林漏

華星嚶嚶復趨趨  
蟋蟀向我鳴皓月尋常見何  
如此夜明照眸眸  
屢瞬照心心屏營照顏顏亦  
改照髮素絲生惟有一尊酒持觴還自傾

其二

層城麗紫極雙闕儼玲瓏  
葯房辛夷楸桂棟珊瑚宮前陳雉尾扇後列黃金鏞羣仙集繁奏穆  
穆何雍雍我欲充下陳蹇修屬先容可望不可  
卽虎豹衛九重媒妁既不入信美難爲工徒令  
衡茅下白首怨飛蓬

楚山行贈龍陽李司教

楚山青青楚水碧  
達士逸名鍊金石手搴芳杜  
製芰荷種來瓊玖成圭璧  
朝乘衡岳雲夕汎瀟湘  
雨心期晤喬松托跡類巢許  
芝草出雲根玉液盈匏尊  
皓首一長嘯春風徧鹿門

道傍草

道傍草青青一何好積雪凍方枯  
春風吹又蚤來車去馬無休息  
白日朱顏豈長保咸陽卿相  
悲隙駒長信秋風怨枯槁  
君不見崑崙丘蓬萊

島瑤草年年苗紫茸三花樹上啼青鳥手把松  
枝煮白石丹丘獨抱烟霞老

江上行

東風乍雨還乍晴十里八里聞流鶯春波淼淼  
淨素練春山簇簇行畫屏江上花飛已如霰澤  
中蒲柳何青青五陵俠客金驪裏瀟湘美人瓊  
玉箏珊瑚寶玦照碧草飛絲急管喧層城繡服  
凌雲翡翠動香輪壓霧死央驚日中鬪雞馳道  
塞日暮撾鼓紛吹笙金陵美人鸚鵡杯桂擢蘭

舟不計傾相看莫放赤日落白石清沙無限情  
鳳皇臺上鳥初下白鷺洲前笛一鳴歸途况值  
明月出回首猶聞白苧聲

送陳子文之官廣西

城中月明齊擊鼓城頭日出朝樹羽駟馬馳驅  
南楚雲嶺猿長嘯炎交雨道傍三月柳如旌攀  
折殷勤送子行白水蒼梧天萬里登臨不厭伏  
波城

西屏歸隱詩

西屏先生不愛官掛冠解組情何歡青旌高映  
洪都日碧樹遙瞻梅嶺盤芳草萋萋春正齊黃  
鸝紫燕往來飛種瓜舊有東陵地結社新裁薛  
荔衣龍山西畔百花亭翠壁長開雲錦屏手把  
青苹馴白鹿時燒丹藥煮黃精蓬蒿門外綠烟  
深橘柚纍纍秋滿林興來倘遇鍾期子應向清  
流鼓素琴

竹墟席上賦得長歌行以看不過三字爲

韻

君家結屋臨江畔萬里風雲鏡中看錯落雕闌  
錦繡叢畫棟差池飛燕燕吳門昨日賦歸來故  
人只尺長相見屠酥漫倒琥珀杯海膾橫陳青  
玉案引白呼盧日西沒追思往事增怫鬱共羨  
朱顏映綠袍爾來眼花頭漸禿誰當麟閣表勲  
名獨向丘園慚質朽蹠躋隨夷那復辨莫邪鉛  
刀是耶不君不見雕龍衍灸轂過談天論地誰  
能破數奇不得取高封舌在空爲人所唾海上  
耕桑且自娛富貴浮雲安足慕豺狼白日脯人

歷代詩選  
肝燕雀寧知突炎禍烽火卽今傳四境老幼皇  
皇淚雙墮我亦長歌當痛哭君兮君兮莫安坐

題東沙圖

清溪曲曲扞烟霧宛是桃源避秦處村居不繪  
亦不雕青蜺爲梁白石柱玉壘平鋪枕底雲銀  
河錯出簷頭樹層巒疊嶂斷還連雪瀑霜濤翻  
不住出戶尋春春日遲東園桃李鬪芳菲蒼蘚  
繡成千尺壁玄猿慵擁萬年枝橫塘落日喧漁  
艇浴鷺浮鷗織釣磯行穿花逕迷幽屐手剪香

霞緝芟衣逢人自咤還自憐昨夜鬢髮今華顛  
眼中不覩阿堵物畫轂朱纓空鬪妍避俗猶慙  
孺子宅閉門獨誦潛夫篇爲龍爲蛇亦何有莫  
笑揚雲偏尚玄

再送戴仲德卽席賦

日日言歸猶未歸桑門畱戀獨何爲揮塵頻逢  
稷下客典衣都入酒家兒扶筇曳屐來扣門白  
日黯黯雪離披急燒榼拙藝都梁斗酒與君斟  
酌之酒酣耳熱便狂叫起舞長劍光陸離城上

飛鴻驚亂柝簷前  
墜雀爭寒枝  
眼底生憎狐鼠  
葦風波世上無寧時  
且將懷抱對君盡  
不問誰何  
雄與雌  
明發扁舟向江滸  
青山原與白雲期  
故園春色今何似  
試扣梅花知不知

遊高座寺

寺倚烟霞麗  
亭開蘭蕙芳  
相逢珠履客  
同醉綠蘿房  
壑隳雲俱入  
天長雁作行  
丹青今共到  
舉手接鸞皇

鳧溪詩爲何華秀才作

何子窮經地  
迴溪勝若耶  
青山相對出  
綠樹萬行斜  
竹嶼雙文鳥  
扁舟五色霞  
逍遙命儔侶  
日暮眺金沙

送何叔明

一葉下深谷  
秋風吹石頭  
客居青柳共  
鄉思白雲浮  
尊俎聊同醉  
煙波卽刺舟  
菽田如有暇  
不  
忘帝城遊

楊蔡二子至畱酌

有酒一斟酌  
相看卽故人  
清溪落日靜  
輕燕蹴



花頻薄餉新炊霧高懷得借春誰憐仲蔚第碧  
草細生塵

送鄭民部之揚州

秋雨滿江東君行深樹中寒知岫葦變碧愛渚  
雲豐草色圍官舍波光逗夕鴻應憐明月至朱  
瑟與誰同

簡馮水部

鴻飛遵北渚何日到河梁爲爾風雲客憐予道  
路長天涯青草長石澗紫芝芳琴瑟那能御知

音未可忘

送林民服歸省

大夫懸紫旆相送出江東那恐仙舟去猶憐尊  
酒同山青建業雨雲白武夷宮繡服承歡處芳  
蘭滿故叢

答顧子病中見訊

伊昔盟心久那堪握手稀白雲繁作舍黃葉靜  
蒙扉齒髮先時落芳華復爾違眷茲林際鳥晨  
出暮同歸

孟中丞顧廉訪黃秀才夜過得微字

碧館秋雲宿清溪北斗輝夕花文俎豆賓詠富  
珠璣月倚宮門漏風含蕙萑衣白駒無遽返永  
夜欲相依

城南間將軍宅同萬民屠國望訪楊惟仁

分韻

江苑莓苔夕春風玉漏長異鄉今日會明月故  
人觴甸樹圍山郭溪雲帶草堂明朝與君別兩  
地莫相忘

送裘景文

故國芝蘭好天涯杯酒情如何芳草發復送彩  
舟行樹雜煙霞秀江涵星斗明春風動吳會花  
鳥是歸程

石渚詩贈馬順卿

石壁連芸閣青雲帶錦沙澄江千頃碧瑤草四  
時花晚詠滄浪曲秋迴星漢槎應逢謫仙子終  
日醉流霞

秋日雜詠

初驚楊柳變復訝洞庭波欲采蕙蘭去其如霜  
露何遠林霞作幔平野雉穿蘿落日村春急豐  
年黍稌多

廣陵曉發

征夫逐草露夜夜月中眠霧擁玄猿嘯風吹白  
雁旋有江能繪樹無路不生煙旭日秋光淡芙  
蓉亦可憐

清河阻風雨

客子倦行役滄江日滯留雨譁征旆晚風落紫

蘋秋岫葦深藏樹溪雲白滿舟中流擷芳草南  
望思悠悠

省中雨興

何處多芳草春江日爾思高臺雲出沒雙燕雨  
差池水絡清溪宅花飛白石堤長安三月盡車  
馬至何遲

夏日吟

積雨連昏旦陰雲被石隄柴門芳草合新水綠  
蒲齊野竹藏青鳥藤蘿引碧雞著書經歲月來

往小齋栖

淮陰

旅宿淹晨昏清波駐絲航雙鳧春浪雪孤雁楚

天霜漂母靈祠在謀臣霸略亡空餘烈士淚風

雨泣干將

龍隱潭

磴險愁窺壑崑開始見天衣裳牽宿霧石罅瀉

鳴泉四壁松蘿古孤峰日月偏雲雷時不歇知

有白龍眠

昔日 至日行部至高唐

劍旆天涯客平原落日曛葭灰寒應律燈火夜

連雲樹抱虬龍影城廻斗柄文栖遲孤館靜霜

月白紛紛

冬晚卧病答陳後岡

澤國寒雲積空山落木多幽懷忽不愜芳歲屢

于過出處應憐我交游信匪他居然見風雅無

復羨陰何

茶洋曉行

歷代詩選 明弘治書 卷四 三  
涼月挂東壁曙霞揚紫光天河七星轉石瀨九  
溪長唧唧草蟲語蒙蒙山葉蒼沾濡畏多露獨  
立振衣裳

劍池

石逕緣青嶂朱筵敞翠微采蓮牽水荇移舫亂  
雲衣夜引鳧鷖入秋生斗柄輝塵纓聊暫濯容  
與憺忘歸

西園

昔日稱佳麗今來作勝遊碧渠穿樹入紫霧抱

階流鳥亂芙蓉夕歌翻菡萏秋漆園如可託長  
揖謝王侯

九仙山

高臺凌紫極面面出煙霞寺古松生甲林深石  
繡花朱闌懸海蜃玉笛動雲牙自是神仙宅蓬  
瀛未足誇

大王峰次中溪韻

不有風流客那知太上峰盤雲出鳥背拂石禮  
仙容鍾乳流丹壁嵒花開紫茸夷猶終永日昏

黑尚捫松

渡黃河

黃河迴九曲適郢乍經過積雨初添漲無風亦  
自波人行沙岍小樹近夕陽多為愛滄浪曲因  
之鼓柁歌

入滇賦所懷

山路日多雨我行猶未休碧溪雲不定青草瘴  
仍浮客久旌旄落天空鸛鶴秋卜居何以賦長  
嘯學吳鉤

藕花居

淨土依深麓香風扇藥闌樹迷山徑斷雲墮石  
房寒玉沼環門碧林花綴日丹黃精隨處得來  
其遠公餐

煙霞洞

自得煙霞路長隨麋鹿羣珠泉寒映雪石榻細  
蒸雲寶錄千秋秘靈崑五色文洞中蒼蘚合宋  
莫對殘隴

內教場

梵宮分福地帝藉按圖經江霧吞城白湖雲壓  
樹青藤蘿齊蓋屋石壁對為扇何處聞孤嘯清  
風生翠屏

霞嶼寺

煙霞探不極猶上望湖亭孤嶼懸明鏡羣峰轉  
畫屏舸舟浮月白松檜匝雲青盡日山中醉人  
言是謫星

遊天王寺次舊韻

門逕還如舊新添草樹圍落花穿戶入乳燕觸

人飛掃石頻移榻開尊卽解衣只因城市遠朝  
暮有雲歸

范東明約遊城南僧寺卽事一首

同是懷春客招邀選勝辰煙霞鏡裏見梧竹雨  
中新草長全迷路鶯啼不避人扣關尋惠遠揮  
塵得相親

金峨寺歸途次雨疇韻

行行踏芳草歸路不知長度嶺雲根斷臨風薜  
荔香懸崖泉作練古寺竹爲墻仙跡今何在桃

歷代詩選 明弘治青

訊雨疇

源是此鄉  
豈是文園病兼旬不出門  
蟪蛄封几席風雨長  
蘭蓀已負東山屐空餘北海尊  
獨憐枝上鳥偏自款朝昏  
全數  
戊午元日  
青陽回玉律瞬息換年華  
鳥語出高樹溪光間  
紫霞天涯芳草夢谷口白雲家  
但買登山屐何須汎丰槎

空對立春日

東郊迴綵仗若木映華林  
冰澗初流玉堤楊暗吐金  
千門微瑞色百鳥媚新音  
芳意自不禁臨風調素琴

王幹春日舟行

出郭便如意春光盡眼中  
雲衣浮石淡樹杪着霞紅  
野渡新添水村禽各佔叢  
桃源在何許宛轉未能窮

其二

歷代詩選

明長佳靜 四集卷四

廿

心



爲愛春流好初晴卽放船  
林臯青帶雨江路澹  
生煙漁唱因風亂鶯花鬪日妍瀛洲應不遠  
凝望轉堪憐

早春次竹墟韻

玉律葭灰暖天涯淑氣萌  
歌殘江閣雨日佇竹  
林鶯庭草未抽綠江流已汎清  
茅廬誰過訪坐看碧苔生

草堂讌集竹墟韻

空懷安石興長作孝先眠  
投轄江城夜開尊春

雨前閒庭芳草綠芳意與鶯傳  
莫奏梅花落狂歌亂綺筵

竹墟宅宴集口占

誰下陳蕃榻青山有逸民  
來從芳草引坐與碧溪隣  
中酒無虛日尋花及好春  
相看莫相笑同是竹林人

春遊祖關次壁間韻

水抱青蓮嶂天開碧玉池  
蘿房僧卧穩花逕客來遲  
樹密雲常住春深鳥自知  
芳尊不盡醉夢

寤亦相思

春日陸德初載酒郊遊卽席一首

名園依綠水曲館廕青蘿展席陳芳酌揮絃  
祭浩歌輕雲籠石細積雨孕苔多更愛溪頭鳥  
時引隊過

次南禺見新月有懷

衡門綠徑啓花榭倚雲成照水月初出近人  
蟲自鳴疎鐘風外落碧漢樹頭平無限傷秋  
意同誰次第評

新秋詠懷

時在病

江城秋始至林葉動微紅竹塢漏新月蘭階逗  
好風有愁長抱膝無事亦書空樵釣已如意淒  
涼枕簟中  
其二  
今蘭亦憐木豈美入亦何精  
吾生知幾許半是病中過往事已漸盡新愁如  
訴多詩書充戶牖几席匝藤蘿應共青山老無  
爲白石歌

其三

四時風景好爭得似新秋月出何其皎蟲鳴亦  
自幽清風梳翠竹流水瀉鳴球卽此足佳勝何  
須問十洲

其四

芳杜秋風冷蘭舟剡水遲美人在何許遠道本  
難期皓月臨瓊樹青樓出鳳吹曲中有深怨不  
奈妬蛾眉

玉芝堂夜集卽席限韻

白駒何處至草閣頗生輝過雨芳花徑清溪綠

竹扉琴尊留夜榻星斗亂春衣莫惜燈前醉相  
將踏月歸

秋日

綠樹千章合玄蟬日夜聞林疏不礙月水靜漫  
書雲野艇從鷗引漁磯與雀分還因耕藝隙一  
誦太玄文

中秋對月

空庭頗徒坐爲愛挹清輝露下微沾席螢飛誤  
入衣輕雲舒作錦衆緯絡成機烏鵲緣何事終

宵繞樹飛

又

未見中秋月先憐此夜光  
金波隨地展素練與  
川長傷几長懸鏡臨階併是霜  
祗應依玉笋慎  
莫照流黃

九日陪郡長公郊遊

出郭未云遠招提分外幽  
江干楓葉亂蘭漿浪  
花浮魚爲聽琴出猿因說法  
畱使君貪吏隱來  
共野人儔

延慶松月山房李孝甫開燕卽席

自得柴桑伴遨遊不計旬  
長辭金殿寵同醉故  
園春緇苑行看竹清溪坐釣鱗  
夜來歌白紵明  
月照江蘋

柴少尹燕集卽席限韻

貪歡何太劇結伴到仙家  
畫壁文成錦初冬菊  
有花樓高先見月樹密故蒸霞  
夜靜隣砧發狂  
歌絳燭斜

春日過友山草堂

何處尋歡賞瑤臺月出時共憐春正好不問夜  
何其蘭玉寒相映星河澹不移小山泉石麗宛  
在習家池

曉起

晨星開曙色風鐸響簷端白髮綈袍敝青山病  
骨寒畦蔬雞豕亂園菓鳥銜殘竹裏收遺籜新  
裁處士冠

燕張纓泉別館

曲澗通仙館瑤臺綺燕開蝸書文古壁烏篆集

蒼苔細雨黃花逕華燈綠玉杯未須催早發還  
有艷歌來

訊南禺

無情湖上草春到自芳菲白髮今何似故園猶  
未歸出門憐杖杜適館念緇衣莫漫耽佳麗蓬  
萊亦可依

中秋集九山莊居因觀競渡

為歡非不數何似此郊遊白玉神仙宅清風菡  
萏洲龍旌搖碧漢社鼓沸中流莫惜沙頭醉佳

期不可留

村中即事

數畝柴桑宅依然白水涯雲深不礙路秋老尚  
餘花翠壁簷端出青霓樹杪斜村中無酒價客  
至便教賒

十一至茂嶼莊

棲遲在城市夢寐只仙山擊汰青雲渚停撓白  
石關藻芳魚共戢草長鹿初還一脫塵寰事松  
齋盡日閒

武熱十五武陵庄

獨遊誰是伴面面有青山竹密長扁戶雲開乍  
啓關穿林窺窳窳坐石弄潺湲但得從吾好寧  
妨未老閒

十二至茂嶼莊

只愛青山好添成百尺樓清泉梳石髮紫霧羃  
松頭刻燭賡新句持杯憶舊遊中庭明月至遽  
起上簾鉤

訊省菴移病郊居

在野有何意言逃市里譁樵林  
煖白石閉戶養丹砂水近雲生榻  
庭空鳥啄花夜來河漢下高  
興欲乘槎

二月杪飲竹墟園亭

愁霖不出戶兩月始來過對酒復不醉  
其如春色何花繁蜂影亂樹密鳥聲多  
漏下瑤階夕誰為子夜歌

十五至茂嶼莊作

江城春不減只自夢青山芳草為誰綠  
鳴禽相

與還雌霓梁水國宿霧捍松關何處尋  
真隱蓬瀛指顧間

題候濤山和豐大

浩淼疑無地何年此落星洪濤春日白  
遠樹貼天青暘谷收漁舶崦嵫列畫屏  
山僧有真悟對客說玄經

十六至茂嶼莊作

迷却桃源路千章夏木稠青峰排漢出  
白浪挾雲流樵唱風前亂桐花雨後收  
最憐河畔柳慣

繫木蘭舟

病中費汝登山人戴仲德太學見過留酌

用來字

豈有名園勝猶煩二仲來談因文字劇愁爲酒  
尊開白日千峰雨青天萬壑雷莫嫌門巷僻羸  
得遠塵埃

十八至茂嶼莊作

本爲看花至羣花半已殘還憐千樹綠遙映萬  
峰丹積蘚逃行逕新禽佐合歡河橋春水漲正

好把魚竿

十四至武陵莊

春遊不知遠只自愛青山漁艇分溪碧莓苔繡  
石斑門收平楚盡客共野雲閒聊用娛茲日應  
須載月還

訊余君房讀書大慈山房

豈是逃禪客棲遲湖上峰看書親佛火旅食借  
僧春夜夜頻邀月晨興每候鐘自便塵市遠日  
日斷過逢



村居卽事

暫爾謝塵鞅來尋樵釣羣  
夢殘江閣雨望盡海天雲  
盃櫛從茲廢煙霞誰與分  
由來其隱豹不用北山文

贈林貞孚

高人何事隱墻東白鶴青松十畝宮  
粟里未招同社客於陵空有灌園功  
鴛鴦沼上雲長碧翡翠屏中日正紅  
車馬不嫌門巷僻共將文字問揚雄

徐氏東園訪馬都督永

錦衣驄馬霍驃姚春日鳴絃獨射鵬  
芳草池塘涵日月青山臺榭亂雲霄  
虬龍倒挂東林樹烏鵲晴飛白石橋  
陰洞花深人不到江城何處夜吹蕭

詠歸雁

不禁風雪慘金微爲憶江南結伴飛  
春日乍看滄海濶晴雲還向薊門歸  
千山烽淨驚弦少萬里天長錦字稀  
去住浮踪元不定黃沙白草自

依違

東陵寺

誰開雲壁結層樓翠竹蒼苔一徑幽玉澗流泉  
盤戶出松林積霧抱空浮香臺久著高僧錄石  
髓長留過客騶萬里正懷棲隱地滄溟東望迥  
生愁

春日訪石窗山中

爾向青山早結廬買田蒔藥近何如獨憐公子  
長垂釣苦學虞卿數著書星河晚映 閻楊海

燕春迎柳外車瀟灑右軍真不俗試開新釀膾  
江魚

峽江道中

玉峽江深駕鸛譁青樓夾岬轉流霞帆檣返照  
穿紅葉山郭浮雲擁白沙久客盤飧誰是伴滿  
城砧杵正思家自憐朱瑟那能御獨坐長更望  
斗槎

暮春道中

昨日停車花滿扉今朝風雨百花稀青山返照

歷代詩選 明別情 卷四 廿四  
頻啼鳩綠水牽雲暗濕衣劔佩春隨麋鹿遠旌  
旗夜傍斗牛歸王孫芳草年年發瀛海何人詠  
采薇

清源除日

野曠天空積雪明清宵燈火亂春城天涯簞序  
勞相問江畔梅花喜自榮牢落風塵悲骨肉間  
關車馬厭功名錦衣華旆成何事愁病能令白  
髮生

德州館中

踈鐘迢遞落寒扉獨上瑤臺望紫微碧海蘼蕪  
人共遠高林霜露雁初飛自憐白日移玄髮無  
那緇塵染素衣夜半滄洲清夢醒故園松菊待  
子歸

觀漲

夜半豐隆駟玉蚪忽驚滄海變東疇飛鳧鬪雪  
芙蓉渚白浪吹花楊柳洲稚子窺雲時出戶漁  
人失听屢移舟揚雄寂寞今何事盡日談玄不  
下樓

遊寶崑寺

十里蘭橈蕩碧沙  
海天晴樹思無涯  
石梁水漫青霑草  
林薄風生晝落花  
樓近翠屏懸日月  
庭開脩竹引煙霞  
山中麋鹿真吾伴  
自喜無心戀白麻

吉水偶成

孤城窈窕臨流水  
赤嶂連卷桂樹枝  
雉堞夜聞刁斗亂  
銀河秋見女牛遲  
三江白露饒鴻雁  
九月黃花少故知  
壯歲客遊長不返  
何人能賦宋

生悲

遊崑庵

山人笑我雨還遊  
雨裏看山山更幽  
密樹叢中青澗出  
虛崑洞口白雲稠  
僧因好客來偏慣  
鳥爲留春轉未休  
石逕蒼苔塵不到  
人間卽此是丹丘

貴溪訪江午坡留贈時被放初歸

風塵日日苦相思  
此夕相看意獨悲  
月下清尊還舊侶  
天邊逐客有新詩  
潛夫著論寧忘世  
深

歷代詩選 明張惟靜 卷四 七  
巷逢人總問奇白水青山君自愛殊方誰與寄  
瓊枝

發襄陽

幾年踪跡徧南州雙旆仍爲漢上遊雨燕只依  
青雀舫山雲不斷白蘋洲臨風自弄桓伊笛踏  
月還登庾亮樓龍洞鹿門俱在眼夢魂今夜是  
丹丘

游太華寺次壁韻

相將出郭采瑤華海岬風生浪作花半嶺陰雲

蒸白雨入門青竹綴流霞山中日月真忘世天  
上樓臺卽是家車馬風塵猶未息却于清夜夢  
仙槎

威清書懷

丹霞夾道引旌麾出郭紛紛見路岐鄉土不傳  
天北字秋風吹動日南枝荒廬到處盤殮惡明  
月終宵戍角悲自歎玉符猶未隱空將心跡擬  
支離

益陽道中次韻

輶車六月指滇陽倦客那堪去路長勲業豈能  
揚絕徼姓名猶愧隱東墻芙蓉帶雨長飛瀑杜  
若無風自起香金馬碧鷄何處是丹山赤水信  
吾鄉  
巳亥元日  
一夜江頭楊柳春滿城霞綺鬪鮮新天涯風俗  
隨時異官院梅花偏自親已訝鬢毛添歲月還  
憐書劔落風塵今朝携手須乘興竹葉椒盤總  
勝辰

戊戌除夕和後岡

久客殊方思黯然遙從北極望星纏春光隔歲  
梅花發夜色長街蠟炬燃到處尊罍堪作伴可  
憐懷抱不如前逢人擬受長生訣莫使容顏異  
昨年

楓亭道中

鐘鼓朝鳴引使旌朱旗映日轉郊坰先春花柳  
侵殘臘到處煙霞覆短亭東海無波雲自黑南  
天不凍草長青經年馳逐無休暇方朔何言是

謫星

劍池燕集答午坡

若耶溪上草堂幽仙侶雲中彩鶴遊繞鏡星河  
翻不定近人螢火散還稠椒漿琥珀春無賴鐘  
鼓魚龍晚共愁崑畔紫芝開幾許與君今夜泛  
瀛洲

答梁雨疇見訊

海濱深處結幽居白石清泉勝有餘秋月故隨  
人意好窗禽偏語夢醒初休憐齊客空鳴瑟且

學任公獨釣魚廊廟自來知己少不須更著絕  
交書

中秋獨坐

窈窕江城秋氣涼風生蘭桂滿庭芳澄湖小艇  
雙漁笛野寺疎鐘半夕陽多病不禁添白髮故  
人何處醉清觴那堪佳節翻蕭瑟明月終宵逗  
草堂

十六夜翫月卽席次竹墟韻

嬋娟繾綣若爲酬永夜開簾不下鈎銀漢斜封

歷代詩選 明別州書 卷四  
三徑竹華星交映百花樓沙邊漁唱隨風度葉  
底螢光浥露流知己相逢須盡醉莫將時事借  
前籌

二十夜月

從來四五缺蟾光獨對空庭意自傷海底魚龍  
猶避影林中鳥雀誤驚霜三星遞轉江城漏零  
露全沾薜荔裳深夜何人更相如漫將朱瑟奏  
清商

元夕飲包鹿田山亭

早入青山隱姓名偶因佳節訪蓬瀛遙林積雪  
兼天白遶郭清江抱月明衰病未能酬酒債歲  
寒猶自訂詩盟文星盡向高齋聚共聽尊前伐  
木聲

屠氏莊居讌集

山郭尋春春已歸庭花猶自鬪芳菲清溪不斷  
輕雲入華屋全將密竹圍門外啼禽頻換樹風  
前細雨故沾衣高山仰止伊何在歎息于今萬  
事非



又

江上陰雲濕不開  
輕輿徐度淺沙來  
石橋水漫微通徑  
竹院花飛半掩苔  
碧館留賓初下榻  
青山相對且銜杯  
此身已共煙霞老  
林鳥溪鷗莫浪猜

不寐

懸車久已卧雲林  
短髮蕭蕭一敝衾  
來雁不傳京國字  
青山應識野人心  
松臯月射棲烏語  
竹徑風梳敗葉吟  
宛轉愁懷不成寐  
更堪隣杵送

妻音

飲柴氏宅

誰家天半結瓊樓  
萬井煙霞掌上流  
竹樹蕭疎千嶂晚  
星河浮動五湖秋  
樽傾北海歡無厭  
琴對鍾期調轉幽  
酒伴詩朋俱滿眼  
不妨高卧在林丘

九至武陵莊

青山何處有仙都  
霧閣霞房總奧區  
野岫幾家惟酒市  
居人無地不樵蘇  
松間下榻披雲卧  
竹

歷代詩選 明弘治詩  
裏探泉帶月斟自分蓬瀛長在眼不須更繪輞  
川圖

西亭宗藩遠厯投訊短章答謝

從將塵跡寄梁園大雅風流久不謾鴻雁北來  
傳錦字鶯花春老憶王孫夢遊東閣圖書府興  
入平泉水竹村海內才人多在洛問奇偏自向  
朱門

嘉則過訪草堂疊賦

會時常少別時多懷抱秋來更若何掃逕不禁

蒼雪落占星知有少微過風前一奏清商曲野  
外徐聞擊壤歌繾綣未須辭日夕夜涼輕艇棹

滄波

白下十七至茂嶼莊作

海上長爲采藥遊蘭蓀况復滿芳洲穿雲不覺  
莓苔破刻竹翻嫌薜荔稠丹嶂倚天長錯錦銀  
河墮地半欹樓晚來忽見千峰雨贏得清溪分  
外幽

十三至武陵莊作

歷代詩選 明別州青 四集卷四 四  
乍入桃源路欲迷舟人指點卽前溪林間曲室  
霞爲障屋外丹梯斗與齊雞犬漫將新藥試琅  
玕追認舊遊題從今只學嵇康傲日日山中自  
杖藜  
訊盧天宇卧病  
白石橋邊舊草廬蠨蛸滿戶不教除囊空無計  
供求藥肺病猶然強著書對案漫驚蛇在酒閉  
門頻見釜生魚武陵茂嶼秋應近弄月嘲風待  
爾俱

言沈問之罷宦還山

問君何事入山深仕路從來歎陸沈未有姓名  
通狗監誰將文字播雞林采芝新結丹厓伴把  
釣偏宜碧水陰畱得牀頭甘菊醞林間月下好  
同斟

爲沈山人徵舊逋

問君何事有詩逋流水高山與總孤無復尺書  
干禁闕祗餘清夢落江湖從知梁苑摘詞客不  
是高陽舊酒徒三徑烟霞今正好爲余來賦輞

川圖

暮春二首

春日輝輝射碧流春雲淡淡匝平疇農夫荷鋤  
出門去脉脉柳花飛上頭

江雨三月試春裳處處蘭舟繫綠楊無那東風  
亂紅雨玉簫終夜倚河梁

石城悵別代友人作

碧漢簫笙興未涯白雲深處卽仙槎相將不及  
關門雁恐折江頭楊柳花

明妃曲

連營鞞鼓暗風沙五月天山雪作花慣是宮中  
調錦瑟却教馬上奏胡笳

金陵歌次浚川王公作

靈谷靈泉百道分丹青留得小仙君山僧夜靜  
鳴金磬半入瑤池半入雲

初秋

一聲漁唱海天秋素練初飛白鷺洲亦有芙蓉  
自開落何人解識漢宮愁

元夕詞

瑤燈錯落映華堂  
照見梅花幾樹妝  
一道紅光浮綠水  
分明驚出兩鴛鴦

綵勝銀缸分外明  
紛紛士女踏歌行  
何人夜半臨華閣  
度得新詞入鳳笙

玉鏡銀河淡不流  
水晶宮裏瑞烟浮  
朱旗搖曳星橋轉  
拾得金鈿上酒樓

石倉十二代詩選

四集卷之四 終

